

Fract 1231

DISSERTATIO

INAUGURALIS MEDICA

DE

ANIMI DELIQUIO ET ASPHYXIA

QUAM

CONSENSU ET AUCTORITATE

MAGNIFICI DOMINI

PRAESIDIS ET DIRECTORIS

SPECTABILIS DOMINI DECANI

NEC NON

CLARISSIMORUM DD. PROFESSORUM

PRO OBTINENDO

IN REGIA SCIENT. UNIV. HUNGARICA

MEDICINAE DOCTORIS GRADU

CONSCRIPSIT

FRANCISCUS CZIEGLER,

HUNGARUS BUDENSIS.



In Theses adnexas disputabitur in palatio Universitatis

Die

Julii 1841.

PESTINI.

Typis Jos. BeimeL.

10-1-1

Repentina functionum cunctarum tam animalium, quam et organicarum imminutio in specie conscientiae abolitione, sensationum, motuum, caloris animalis, respirationis ac circulationis aut ad imum dejectione, aut ipsa suspensione insignita animi deliquii, animiliquii (die Ohnmacht) in genere ideam refert.

Pronti autem status, de quo sermo morbosus aut in sola functione organico - animalium imminutione, aut plenaria eorundem fundatur cessatione, duas etiam animi deliquii species, quarum prima animi deliquia cum functionum organico-animalium imminutione: altera vero animilium quia cum eorundem operationum plenariâ suspensione aut cessatione complectitur.

Valde autem erraret, qui species has duas pro diversis, et essentia a se invicem differentibus haberet morbis, siquidem differentiam non nisi quod ad intensitatis gradum, et durationis tempus, amittentes, non tam arctis possunt circumscribi limitibus, verum facillime et saepissime in se invicem transeuntes mere grandualem praeferunt varietatem, ut igitur hic tractamini, in duas partes divisionem substerneré possimus, in ipsa graduâli hac diversitate fundatam.

I. De animi deliquiis cum functionum organico-animalium imminutione.

Vita in organismo humano ad eum usque gradum imminuta, ut illius manifestationes tenore multum depressae, observari tamen adhuc possint, status, quam in hac prima parte pertractare possimus, ideam refert. In ipsa autem hac animiliquii specie duplicem iterum distinguere consuevimus varietatem, in eadem graduâli discrimine fundatam, Lipothymiam nempe et Syncopem.

a) Leipothymia, lipothymia (die Anwandlung zur Ohnmacht) minimus est animi deliquii gradus, et eum sistit statum, qui repentina, et insigni sensuum externorum,

respirationis pulsuque debilitate, cutis externae pallore, caloris animalis imminutione, ac magna virium muscularium dejectione se se manifestat.

In hoc statu conscientiae claritas deficit, aeger vertiginosus et temulentus objecta obfusca et nebulis quasi involuta discernere, loquelam adstantium audiens intelligere vix potest; respiratio tarda quidem et debilis attamen perstat, pulsus animadvertitur parvus, debilis et retardatus.

b) *Altior animi deliqui gradus Syncope* (wirkliche Ohnmacht) a *Συζκοπε*, calopsus, est quae circulationem sanguinis ad imum depressam, absque omni respirationis et pulsus vestigio (pulsatione cordis vix percipienda excepta) plenaria caloris, conscientiae et motuum abolitione designat.

Status syneopalis subinde prodromis brevissime durantibus annuntiatur, saepissime tamen absque his extemplo ac improvise dispositos corripit — Phoenomena vero syncopei praecedentia, praesentem jam concomitantia, et vix emansam excipientia sunt: calor fugax, percellens, dolor capitis, temulentia, vertigo, oculorum obfuscatio, scotomia, nebulae praetensae, scintillae, muscae volitantes, susurrus et tinitus aurium, oscitatio frequens, tremor artuum, dedolatio, anxietas praecordialis, inquietudo, nausea vomitiones, percipiuntur borborigmi, redditur variabilis, parvus, debilis et intermittens pulsus, irregularesquae tanguntur cordis motus. Hos praecursores ipse excipit insultus syneopalis; collabitur nunc facies pallore aut colore luteo griseove obducta ac sudore frigido viscido oblecta, pallent liventque labia, oculi clauduntur, dilatantur pupillae, pulsus arteriarum vix percipitur, respiratio ad imum adducta brevis est et tarda aut plane interrupta, vox et loquela negatur, conscientia deficit et voluntatis ceteroquin abolitae in musculos imperium cessat, aeger prostratus directionem ut plurimum servat diagonalem.

Duratio syneopes in variis casibus variat, frequentissime autem brevissimo, rarius longioribus circumscribitur intervallis; inde a minutis aliquot secundis usque in horas, imo rarissimis in casibus in dies protrahi potest, in quo casu ultimo jam asphyxiae aemulatur.

Vita autem ad normalem revertente vigorem, parvae frequenter observantur palpebrarum, musculorum facialis ac labiorum vibrationes; animadvertuntur parva suspiria et respiratio admodum debilis, thorax nunc permodice ac lentissime elevari incipit, debilis ab initio cordis pulsatio mox fit fortior et eum hac ipsa pulsatio arteriarum, prius

temporalium quidem et carotidum, dein et reliquarum superficialium sensibus se offert. Redit etiam calor animalis, et quidem citius in cordis regione, evanescit nunc corporis pallor redempti calori normali cedens; palpebrae elewantur, moventur pupillae; suspiria succedunt et sequitur oscitatio ac pendiculatio, dissipatur susurrus tinitusque aurium, comparet sudor aut transpiratio vaporosa; audiuntur barborogmi ac ructus, et secedunt flatus alvusque interdum diarrhoica, urinae mittuntur stramineae. Sub his phaenomenis conscientia restituitur et cum hac plenariae iterum valetudinis sensus. Debilitatis tamen et delassationis sensatio cephalaea, cardiopalmus reiteratus alacrior carotidum pulsatio tremorque artuum longiore saepe perstant tempore nec tam rarus est accessus spasmodum trisimi praeprimis. Paresis autem vel paralysis saepe transitoria aut perstans illis in casibus frequens, in quibus syncope a vicio organico cerebri dependet aut activa organon hoc nobile causatur congestione, sub quibus circumstantiis vero non solum syncopes frequens reiteratio, sed etiam ejus in asphixiam transitus facillimus, imo mors ipsa per apoplexiam aut virium exhaustionem summe verenda.

Distinctio syncopes a similibus morborum formis non tam magnis premitur difficultatibus. Summa analogia inter syncopem et apoplexiam intercedit, a qua tamen eo differt, quod in syncope *functiones cerebri ac totius systematis nervosi aequae ac cordis, vasorum sanguiferorum et pulmonum sint laesae, in apoplexia autem aucto calore et turgore animali circulatio ac respiratio aut manet illaesa aut parum solum a naturali aberret tramite, conscientia sola et libera voluntatis in musculos exercitio defoedatis. Eadem circulationis et respirationis praesentia cum omnium reliquarum functionum organicarum normali continuatione, somnum profundum a statu syncopali distinguunt.*

Natura sive causa proxima lipothymiae et syncopes in repentina et inopinata ut plurimum haeret functionum organicarum et animalium imminutione, aut vera suppressione, quae iterum in interruptione aut notabili turba functionum systematis nervosi aut respirationis, aut circulationis, aut omnium simul fundatur.

Dispositio ad animi deliquia in omni igitur diathesi haeret, qua aut cerebri et systematis nervosi, aut pulmonum functio aut circulatio et sanguinis in sua organa stimulus debilitari aut imminui potest. Huc recenseri debent:

a) Vera virium vitalium debilitas, systematis nervosi erethismus, nimia stimulorum receptivitas cum debili

reagendi potestate sive per se jam existens, sive per nimiam humorum nobilium jacturam inducta; hypochondria, hysteria, excedens phantasiae agilitas, animus pietisticus, falsa culturae moralis, religionis, adorationis nimiae intentio etc.

b) Omne liberae circulationis impedimentum, quo sanguinis torrens ut plurimum ad encephalon directus hujus oppletionem et functionum cerebri ac systematis nervosi suspensionem producit; qualia sunt vitia organica utcumque generis, cordis et vasorum majorum, dilationes variae horum organorum, polypi, impedimenta mechanica circulationis, compressio vasorum majorum per thoraces, cingula corpori adplicata, fascias, aut vitia organica cerebri, excrescentia etc.

c) Omnia impedimenta liberae respirationis, ut sunt vomicae pulmonum, tuberculi insignis magnitudinis, oedema pulmonum, hydrothorax, pneumonia etc.

Potentiis vero occasionalibus adnumerari debent omnia momenta superius sub dispositionis titulo jam memorata ubi aut nimis valde aut diutius frequentiusve agere non cessant, insuper autem pertinent huc: insignis virium vitalinae exhaustio per protractum nutrimentorum defectum, excretiones justo largiores, magnam humorum organicorum jacturam dolores ingentes et protractos, nimium frigus aut excedentem caloris praecipue in balneo influxum inducta. Huc porro pertinent impressiones ingratae per quemcumque sensum inductae, uti conspectus gliris, cati, muris, sanguinis e vivo homine manantis; odores florum variorum, moschi, assae foetidae, olei rosarum etc. perceptio soni ingrati diutius continuata; saporis inamoeni et nauseosi etc. praeterea animi adfectus et pathemata omnis generis. Sympathice agunt: abcessus magni in abdomine, vermes intestinales, defectus aëris atmosphaerici, ejusdem raritas aut levitas, inquinamenta diversa per exhalationes animales, gaza mephitica vapores *noxii* in templis, theatri etc.

Febris tandem intermittens cum larva syncopes a pluribus huc numerata, ad ipsas febris intermittens species potius, quam ad animi deliquia referenda venit.

In statuenda prognosi syncopes causa, insultus syncopalis duratio et frequentia consideranda veniunt. Animiliquia ex causis transitoriis et facile removendis uti ex animi affectibus vehementibus, impressionibus sensuum externorum ingratis ideosyncrasia, hysteria etc. originem petentia, praecipuis si individua sensibilia corripunt, omni carent periculo. Quae tamen causam agnoscunt vehementem aut vix amovendam, ut sunt vitia organica aut cordis vasorumque

majorum, cerebri ejusve velamentorum; universalis virium exhaustio in febris nervosa, typho, aut morbis chronicis etc. aut quae praesente turba functionum tam nobilium, qualis circulatio est et respiratio, diutius durant saepiusque redeunt, periculo plena, facillime per asphyxiam ad ipsam perducent mortem.

Therapia in hoc morbo rationalis iisdem ut in omni alio immititur principiis. Prima hinc et summa attentio in potentiarum nocentium, sive praedisponentes sint, sive morbum excitantes et exasperantes, amotionem, qua sola omnis saepe absolvitur cura, dirigi debet. Hac autem perfecta, cura et attentio in ipsum convertitur morbum, cujus indicationes principales duae sunt: a) syncopem tollere i. e. omnes functiones vitales ad normalem reducere vigorem et b) ejusdem iteratum praepedire accessum. Indicationum vero istarum adimpletio α) cura sub ipso insultu syncopali β) cura extra eum instituta absolvitur.

I. Cura sub ipso insultu syncopali instituenda sequentibus ut plurimum perficitur:

α) Omnia sunt removenda, quibus libera sanguinis cohibetur per organismum circulatio; quare igitur aeger situi horizontali considendus, vestimenta angustiora, cingula fasciae, etc. arctius corpori adplicata, mox solvenda; aeger in aërem purum, frigidi usculum deportandus, aut fenestrae cubilis, ubi moratur aperiendae, corpora gaz acidum carbonicum, hydrogenium, sulfuricum spargentia amovenda; vasa; sanguinem rapide plorantia, lege artis deligenda etc.

β) Remedia adplicanda sunt leniter excitantia; adspargitur igitur facies aqua frigida, cum impetu quodam manus aut siphone sparsa; admoventur naribus acetum, acetum aromaticum, aqua melissae, in casibus gravioribus, spiritus salis ammoniaci causticus, carbonas ammoniae pyro-oleosus, cornucervi succinatus, sal cornucervi; in defectu autem horum, allium, cepa, pluma accensa etc., quibus nervus olfactorius potenter adfectus actionem suam celerrime super encephalon et reliquum systema nervosum diffundit, restitutionisque operationibus vitae animalis, ipsas resuscitat functiones organicas.

χ) Ubi syncope altiore adoptata est gradum, manu — et pediluvia ex aqua tepida et spiritu vini, aut vino calido parata, frictiones frontis, regionis temporum, manuum antibrachiorum, scrobiculi cordis, epigastrii et totius saepe corporis panno crassiore sicco, aut aceto simplici vel aromatico, aut liquori spirituosissimo quodam aut spirituosissimo aromatico hucetato institutae, et clysterum leniter excitantium injectio egregium saepe produciunt effectum.

δ) In casibus, in quibus deglutitio perstat, remedia excitantia interna in usum trahi possunt. Optime convenit hic vinum vetustum cochleatim aegro exhibitum, aut aether aut spiritus aetheris guttatim instillatus, aut gutta olei cinamomii aut menthae piperitiae reiteratis vicibus porrecta. Egregium autem effectum in insultibus syncopalibus, quibus hysteria subest ex valeriana, castoreo et opio parva dosi porrecto, observare licuit.

Quae in vera debilitate vitali fundatur syncope, remedia sibi exposcit roborantia quidem ast mitiora. Perbene in ejusmodi casu conducunt extractum corticis peruviani frigide paratum, aut infusum eiusdem corticis aquosum frigidum; quae remedia insuper sat diluta et dosibus caute divisis in subsidium tracta, prae omnibus corporis et animi summam quietem necessario modo sibi exposcunt.

Si febris intermittens perniciosa syncopes induerit larvam, quae tunc ut Tortae vult syncopolis audit, China et varia ejus praeparata desiderantur. Adhibetur illius decoctum cum ejusdem corticis pulvere aut extracto, adplicantur abdomini cataplasmata ex pulvere corticis febrifugi et vino parata, injiciuntur non raro etiam enemata chinina, paroxismo praeprimis instante, sub quo ipso opium aut potius tinctura illius crocata vicibus repetitis exhibita, miros saepius exeruit jam effectus.

II.) Extra insultum syncopalem omnis cura mere prophylactica est, in qua causarum disponentium praecipue indagatio, primum sibi vindicat locum. Facile dignosci possunt adfectiones morbosae variae primarum viarum, vermes intestinales prae omnibus taenias diathesis hyrterica, debilitas vera sive directa sive indirecta, praeprimis quae ex nutrimentorum defectu aut per morbos chronicos exhaustientes fuerit producta, in quibus casibus methodus medendi congrua non magna invenitur difficultate. Ubi autem nulla causa imo nec sensifitas systematis nervosi morbosa observari potest, tunc animiliquia ex vitiiis organicis cordis aut vasorum majorum originem plerumque trahere consueverunt. In tali casu cura nonnisi palliativa institui potest. Dieta sit tunc adcommodata neque excitans neque calefaciens vitetur omnis vehementior motus corporis activus, concesso moderato passivo; caveat aeger prae omnibus a vehementibus animi affectibus, et adhibeat hinc inde remedia mitiora temperantia, derivantia, eccoprotica. Hoc solo tractamine insultibus frequentioribus occurrere et vitam aegri procrastinare omnem impendimus operam.

Quae hic loci circa therapiam leipothymiae et syncopes uberius exponenda adhuc venirent, inferius dum de asphyxiae tractamine sermo fiet, desiderata adducentur, quum

latior eorum his loci expositio ingratam ejusdem materiei serius sibi exposceret repetitionem.

II. De animi deliquiis cum functionum organico - animalium plenaria suspensione sive asphyxia.

Status, in quo operationes altiores systematis nervosi et functiones vitales organicae ita sufflammatae occurrunt, ut cum conscientiae perfecta abolitione *omnis sensus* motusque sileat, sanguinis circulatio per cor et vasa sanguifera tam majora quam minora plane cesset, pulsus igitur omnis deficiat, respiratio plenarie interceptatur, calor animalis evanescat, corpus integrum pallore cereo obducatur, rigor membrorum accedat, mortis igitur imago inducatur, conditione tamen vitae resuscitandae adhuc superstite, *Asphyxia* (pulsus absentia), mors apparens, mors deceptiva aut potius mors dubia (*der Scheintod*) nobis audit.

Hunc statum scriptores veteres classici sub nomine *Αβγεια* comprehendebant, quum in contra sub nomine asphyxiae solum pulsus defectum intelligebant, qui si in singula parte observabatur, asphyxia partialis dicebatur.

Symptomata asphyxiam praecedentia eadem sunt, quae ipsam praecedunt aut concomitantur syncopem in prima jam hujus tractaminis sectione memorata, quum haec plerumque organismo ad illam viam sternit. Ipsum autem statum asphyticum designant: facies collapsa et pallida, labia livida, oculi clausi, pupilla dilatata, iris immobilis, nasus acuminatus, respiratio intercepta, imo ipso speculo aut pluma ori admotis non percipienda, pulsus tam cordis quam arteriarum ex integro silent, membra rigida, calor animalis et turgor vitalis extinctus, pallor per universum corpus diffusus; conscientia perfecte abolitur, sed omnis sensus motusque idearum resuscitatio, combinatio, judicium, ratiocinium, meditatio, liberae voluntatis exercitium plenarie interceptiuntur.

Ad asphyxiae tamen notionem haud absoluta functionum omnium desideratur suspensio, quum exstant exempla, ubi silentibus omnibus functionibus vitae reproductivae et facultate motus penitus suspensa, viguerit tamen conscientia.

Cum autem inter dubiam et veram mortem tanta intercedat similitudo, a re certe non erit, signa mortis verae diagnostica critice perlustrare. Quae autem mortis genuinae adducuntur criteria, sunt :

1. Defectus pulsus tam cordis quam et arteriarum, ac plenaria respirationis interceptio.

Verum quidem est, in mortuo omnem deficere sanguinis circulationem et respirationem, ad cujus praesentiam

aut absentiam *evincendam speculum fluido repletum* thoraci imponi solet, exque illarum irritatione aut horum motu ad vitam, sub contraria rerum potitionis ad mortis verae praesentiam concludi solet. Ast neque unum neque alterum signum infallibile genuinae mortis nobis sistit. Utraque enim functio in tam exili gradu, ut nullo detegi valeat adminiculo, perstare tamen potest, uti hoc animiliquia hystericarum luculenter monstrant, imo ipsae hae functiones per tempus aliquot supprimi possunt, quin ipsa ex integro exstinguatur vita; experientia enim docet, in asphycticis pulmonum functionem obtigisse per plures dies, quin minimum respirationis vestigium observari potuerit. Dantur tamen exempla ab anglo Ritte collecta, qui pro libitu circulationem et respirationem pro tempore suspendere noverunt.

2. Omnis sensus et motus voluntarii cessatio

Haec singula quidem certe adsunt in mortuo, quia tamen ex illorum praesentia, justa ad mortem genuinam fieri posset conclusio, notum enim, functiones systematis nervosi diutius suspensas esse posse, quin functiones vitae organicae plenarie intercipientur, uti hoc cathaphora, apoplexia gravior, catalepsis sufficienter comprobant. Multa insuper dantur exempla, ubi influxus validissimi in sensus externos admissi, nec ullum vitae signum provocare valuerint, serius tamen resuscitatio obtigerit; ut igitur sensus et motus voluntarii sufflaminatio pro mortis indubitato criterio haberi nequeat.

3. Actuum rigiditas et frigus per totum Corpus aequabiliter diffusum.

Falsa absque dubio conclusio esset ex artuum rigore ad mortem genuinam eodem modo, ac ex eorum flexilitate ad apparentem. Quis enim est medicorum, cui in cadaveribus venenis narcoticis, gaze accido carbonico, hydrogenio — sulfurato interemptorum, vel ex febre colliquativa demortuorum, insolita artuum flexilitas: — in contra autem in tetano, paralysi saturnina in congelatis eximius artuum rigor perstaute adhuc ipsa vita, notus non sit? Nec caloris animalis defectus et frigus super integrum corpus diffusum, signum characteristicum mortis verae sistere potest; quum sub animaliquo feminarum hystericarum frigus maromorem saepe saepius observatur, in contra vero calor animalis in morte vera, uti hoc in apoplexia frequenter accidit, diutius non raro perstat.

4. Pupillae dilatio, collapsus corneae et relaxatio reliquarum oculi membranarum ac deperditus illius vigor.

Hoc criterium certe etiam infallibile non est; siquidem in plurimis casibus hae oculi mutationes sero post mortem accedunt; sic qui in aëre inephritico, aut feminae, quae sub ipsius partus labore interierunt, singularem oculi vigorem et splendorem per plures adhuc post mortem dies offerunt, quum in contra aegri typho aut febre putrida decumbentes, praesente adhuc vita oculum omni splendore et vigore orbatum, monstrare consueverunt.

5. Sanquinis in vasis etiam apertis stagnatio.

Ast frequentes sunt casus, ubi in vere mortuis sanguis ex aperto vase sat large prorumpat; quam in asphycticis, catalepticis et cholericis venae sectione vix aliquid emulgi potest.

6. Relaxatio et resolutio musculorum et tendinum.

In mortuis omnes quidem resolvuntur muscoli praecipuis sphincteres, ideo etiam maxilla inferior dependet, palpebrae connivent, nulla deglutitio, nulla vox. Sed neque hoc signum tantam nobis de vitae aut mortis praesentia certitudinem praebere] valet, siquidem non rara est observatio, quod in asphycticis maxilla inferior eundem in modum uti sub genuina morte pendeat, sphincteres, prae omnibus autem ani, diu ante mortem plenariae sint resoluti, ut igitur hujus generis paralysis non soli morti tanquam signum characteristicum conveniant, verum etiam vita commite in diversis statibus morbosus locum habeant.

7. Irritabilitas musculorum deleta mortem, praesens praetendit vitam]

Criterium aperte falsum, constat enim observationibus, irritabilitatem electricitati et columnae Voltanae obedientem, etiam post mortem sinceram in nonnullis organis praestare, e contra in paralysi exquisita vita perstante integra nullum ejusdem adinveniri in stimulos adlatos obsequium. Nec tam rara est observatio, asphycticos, pro hac stimuli specie penitus insensiles ad vitam fuisse reductos, alios autem, in quibus hujus irritabilitatis speciei manifesta in musculorum contractione observabantur signa, a vera morte resuscitari non potuerint. Falsa igitur conclusio ex praesentia irritabilitatis ad vitam necessario sublatentem fit, velut ex converso ejusdem per electricitatem aut galvanismum impossibilis provocatio ipsius vitae evincere nequit absentiam, fierique potest, ut asphycticus una cum criterio sepeliatur.

8. Putredo cadaveris mortem designat genuinam.

Etiam si hoc signum ex omnibus hucusque adlatis certissimum sit, tamen ex integro characteristicum mortis verae dici non potest; si quidem in multis casibus cadavera admodum tarde in putredinem transeunt, uti hoc in hominibus ex phthisi peremtis observare licet, qui insuper majorem flexilitatem, imo gennarum saepe naturalem ruborem per longius post mortem offerunt tempus. E contra autem docet experientia, in febribus typhosis aegros non raro putridum et cadaverosum spargere odorem, etiamsi frequenter restituantur sanitati.

Nullum igitur datur signum verae mortis absolute characteristicum, quod unicum et per se solum hanc modo indubitato evincere posset, solus phaenomenorum in morte vera occurrentium omnium complexus et continua eorum praesentia; putredo tandem per organismum integrum diffusa et ulterius jam progressa, mortis verae certitudinem nobis afferre valent; ut igitur metamorphoseos hujus universalis phaenomena simul et mortis genuinae sint signa. Haec autem phaenomena sunt: color lividus macularum per abdomen et reliquum corpus dissipatarum, habitus marmoreus, corpus tumens ab aëre et resolutione partium organicarum evoluta, foetor cadaverosus a gaze ubertim sparso et limites cutis egrediente, sanguinis ex oculis, naribus, ore fluxus, cutis friabilis, insectorum comparitio etc. Etsi tamen subinde pauca vel nulla plane adsint phaenomenorum tanatognosticorum, de morte tamen genuina nullum foveamus dubium, si vulnera absolute et generaliter lethalia, morbi cum degeneratione viscerum vitalium organica incedentes, praecesserint, aut epidemiae regnantis vehementia, character aut inclinitas morbi in vitae extinctionem influxerit. Ubi tamen functionum organico-animalium imminutio aut plenaria abolitio repente subsequitur, quin individuum gravi detentum fuisset morbo, fundatus concipitur metus, vitam nequaquam adhuc extinctam, sed mere labefactatam et pro tempore solum suspensam. Id praeprimis valet de iis, qui habitu nervoso donati sunt, hysteriacis et hypochondriacis, catalepticis, epilepticis, apoplecticis febre adynamica extemplo mulctatis, submersis, suspensis, abrutis, adustis, fulmine tactis, nequatatis etc.

Natura sive causa proxima asphixiae in plenaria functionum organico-animalium, praeprimis conscientiae, circulationis et respirationis suspensione quaerenda. Clarissimus Sundelin (Dr E. A. W. Berend's Handbuch der Nervenkrankheiten. Bearbeitet von Carl Sundelin, p. 245 et 246 causam proximam animi deliquiorum in defectu stimuli sanguinis in vasa propria ponit, quare igitur asphixiae primo se in ipso systemate nervoso exorditur, in immi-

nutione aut plenaria et transitoria suspensione functionum systematis circulatorii originem petit. Signa characteristicam mortis dubiae in imminutione aut momentanea interruptione omnium illarum functionum vitalium consistunt, quae vi sanguinis stimulantis huic ipsi circulationi originem suam debent, turgoris vitalis, cordis arteriarumque pulsationis, caloris naturalis ac respirationis. Pro hac autem opinione etiam causae asphyxiam producentes illi loqui videntur, quae vel tales sunt, ut circulationem turbent et impediunt inflammatio, vitia organica cordis aut vasorum majorum, spasmus validus, plethora aut sanguinis massam imminuant ac derivent, (jactura humorum, praepremis sanguinis, cachexiae varii generis, nutrimentorum defectus) aut vitalem cordis et vasorum energiam exhaustiant affectus animi vehementes, dolores validi, evacuationes criticae excipientes etc. tandem sanguinis vim stimulantem antiminuant aut penitus supprimant (indoles sanguinis venosa, discrasiae variae, chlorotica, scorbutica etc.) ut ex his omnibus conclusio pateat, animi deliquia et Asphyxiam non ad morbos *systematis nervosi*, quam potius ad morbos irritabilitatis pertinere, et principalem hujus morbi sedem cor et systema esse vasorum.

Placuit autem his Cel. Sundelino sanguinis circulationem et illius in vasa vim stimulantem ad functiones cardinales totius organismi huic in modum elevare, ut ab earum sola labefactione omnis vitae ad imum depressio et asphyxia dependent. Ast nos de magna gravitate et dignitate harum functionum in oeconomia animali, a muco in viis aëris accumulato, submersorum, obliorum et obrutorum non tam ex turbis systematis circulatorii, sed respirationis exordici et abnormitates in circulatione modo secundario produci persvasi, hanc *Sundelini* opinionem non omni ex puncto veram, sine omni dubio vix approbari possumus.

Dispositio ad asphyxiam in illa praepremis diathesi quaerenda, quae majorem pro stimuli receptivitatem cum parva reagendi facultate nec non cum peculiare dispositione ad varias circulationis et respirationis turbas conjungit. Huc pertinet hysteria, hypochondria sensibilitas extravagans ex humorum variorum jactura, vitia cordis, vasorum etc. organica etc.

Ad causas *excitantes* numeramus a) tales, quae conscientiam, b) sanguinis circulum, c) ipsam intercipiunt respirationem.

a) Quae conscientiae abolitionem produciunt, causae sunt: impressiones inamoenae sensuum externorum: dolores validi; vulnerationes nervorum; animi affectus deprimentes repentini, uti timor, sollicitudo, terror et inopinata, cujuscunque generis sit, deprehensio; nimia virium

corporis aut animi intentio per famem aut frigus protractum humorum excedens profluvium etc.

b) Ad eas, quae circulationem impediunt, pertinent : spasmus cordis, ejusdem aut vasorum majorum vitia organica, aneurismata, indurationes, ossificationes; hydrothorax aut hydrocordia; lentus et debilis sanguinis venosi effluxus ob quaecunque laticis vitalis jacturam, aut pulmonum ventriculi aut intestinorum spasmus; plethora universalis, quae vires cordis transitoriae saepe exhauriuntur; congestiones activae ad cor aut pulmones; humorum in pulmonibus, hepate, liene aut reliquis visceribus abdominalibus stagnationes; horum viscerum infarctus, et orta inde horum organorum impermeabilitas, nimia ventriculi oppletio etc.

c) Quae respirationem turbant potentiae nocentes sunt : aër impurus, vaporibus ex substantiis animalibus exhalatis, putridis, gaze acido, carbonico, hydrogenio sulfurato impregnatus : respiratio impedita per spasmus pulmonum, horum mucos, lympham coagulabili, sanguine impletionem, repentina hujus functionis per potentias externas vehementer influentes inducta interruptio, ad quam aquae submersio, humo aut nive obrutio, oblisio etc. pertinent.

Prouti vero aut in conscientiae aut respirationis aut circulationis interruptione primam agnoscit causam asphyxia sequens illius pro praxi non ineptum fieri solet discrimen

a) asphyxia hypochondriacorum, hystericarum, fulmine tactorum famelicorum, congelatorum; b) submersorum, humo obrutorum, oblisorum; c) strangulorum, suspensorum et plethoricorum; tandem d) neonatorum, quae modo verum vitalium defectum, modo debilitatem spuriam seu virium vitalium solam suppressionem pro sua agnoscit causa.

In definienda *prognosi* asphyxiae eadem ratione uti et syncopes incedendum, et ad ejusdem causas, durationem et frequentiam attendendum : quae tamen omnia in prima hujus tractaminis parte, ubi de syncope sermo erat, exposita sunt; hic tantum dixisse sufficiat neonatos, et lapsu ex altitudine insigni humo molli asphycticos frequentissime; rarius congelatos, strangulatos, suspensos; adhuc rarius submersos et in aëre irrespirabili suffocatos; rarissime vero fulmine tactos excitari et ad normalem vitae vigorem reduci posse.

In statuenda *therapia* contra asphyxiam, eadem principia, quae illam in quocunque alio morbo dirigunt, observanda sunt. *Igitur causarum nocentium amotio, ipsius status morborum cura, tandem recidivarum praecautio* principales sistunt in asphyxiae tractamine indicationes.

Quum autem pro causarum occasionalium diversitate, alia atque alia oritur asphyxiae species, cui adcommodata adaptari debet therapia, certe non a re esse credo speciali asphyxiae tractamini, generalem praemittere medendi methodum, in omni casu applicandam, quo etiam efficitur, ut ominosa et odiosa ejusdem rei repetitio evitetur.

Quae ad resuscitandam vitam asphycticis feruntur auxilia omnia, in remediis partim externe, partim interne applicandis consistunt, quae in sequentibus, quantum vires permittunt, nunc sumus pertractaturi.

Non tam parvi momenti uti primo aspectu fors cuidam adpareret, asphyctici est *transportatio*, quum haec in futuram ejus resuscitationem et faustum omnium eventuum non tam exilem habent influxum. Sive sit lectica, qua transportatur asphycticus huic solo muneri destinata, sive quodcunque medium huic respondens id, semper observandum erit, ut capite quidquam elevato, trunco et extremitatibus in situm horizontalem dispositis supinus ut plurimum et uno loco ad alium transferatur asphycticus.

Aedificia, in quibus pericula resuscitandae vitae instituntur, aut huic scopo, ut in bene ordinatis obtinet civitatibus, peculiariter praesto sunt, aut quaecunque domicilia publica, diversoria, pharmacopoea, officinae tonsorum aut quaecunque domus militares aut privatae deserviunt, praesertim autem attentendum, ut conclave spatiosum sit, aëre puro tractili provisum, quare turba otiosorum spectandorum arceri debet.

In ipsa autem remediorum tam internorum quam externorum applicatione certus ordo observandus venit, qui per ipsam asphyxiae indolem, circumstantias externas, et aegri individualitatem definitur. Regula qua asphycticorum resuscitatio, ex citamentis ab initio tentanda mitioribus, pedetentim nonnisi ad fortiora transeundo et fortissima ex fida absque dubio observatione et tristi hauriebatur experientia, qua constat, asphycticorum non paucos, excedente et in praestando auxilio fervore eadem ratione morti fuisse traditos, ac eorum cunctatione; quum minima quae in asphycticis adhuc restat vitae scintilla, et quae cunctatione non excitabatur sub tumultuario auxiliorum usu plenarie exstinguebatur.

Quare monere superfluum non erit, sub ipsa remediorum applicatione libra interstitia aegro concedenda esse, quibus prima redeuntis vitae indicia attente observari possent, quae se per minimum saepe minus alteriusve palpebrae, aut labii tremorem, levem thoracis motum, vel digiti aliqujus subsultum manifestant. Magna etiam in conatibus

vitae in asphycticis resuscitandae requiritur constantia ino-
pertinacia, nec semper hanc resuscitationem uno remediorum,
ordine dicto adplicatorum, absolvi posse cyclo credas, ve-
rum reiteratam sibi illius exposcit repetitionem quum exem-
pla praesto sint, nobilia haec conamina per duodecim aut
per viginti quatuor horas solerter continuata effectum tan-
dem fausto fuisse coronata.

Omnia autem remedia sive externa sint sive interna
quibus asphycticum verae mortis eripere conamur fau-
cibus, quadruplicem habent scopum: v. *subministrationem*
necessarii caloris gradus; vel aëris atmosphaerici in pul-
mones *inductionem*; vel *organorum internorum aut corpo-*
ris superficiei irritationem, vel tandem *evacuationum salu-*
brium promotionem et nocentium aut periculosorum suppres-
sionem.

1. *Necessaria caloris gradus subministratio.*

Etiam si calor sit incitamentum ad vitam sustentan-
dum summe necessarium, ita ut absque eo vita nullo mo-
do perstare possit, tamen illius administratio non nisi lenta,
et per totum aequabiliter diffusa esse debet corpus, quia si
repentinus aut mere localis fuerit illius influxus, eadem
ratione nocere consuevit, ac cito illius et inmoderata cor-
pori detractio ut ex his facile pateat, medicum in hoc
casu thermometro nullo carere posse modo. Caloris au-
tem asphycticis sumministrandi modus duplex est, aut per
balnea, aut per *media calorem siccum communicantia*.

a) *Balnea* quidem non ubique et non tam cito haberi
possunt; ubi tamen praesto sunt, cantus, sit eorum usus.
Temperatura balnei non excedat illam corporis sani, hinc
sit circiter 22. Remurii paulatim tamen ad 28 ascendendo;
ab initio pedes eidem confiduntur et tandem pedetentim
integrum asphyctici corpus, levibus frictionibus, tempus per
quod balneum adhibetur est dimidia aut integra hora. Balneum
ipsud aut simplex ex sola aqua mera, si haberi potest
fluviali vel pluviali, aut pro variis asphyxiae speciebus
variis substantiis medicatis, vino, spiritu vini, infuso
specierum aromaticarum, aut lacte decocto, specierum emo-
lientium etc imbutum adhibetur. Finito balneo corpus le-
niter fricando linteaminis involvitur calidis evitatur ne
mador frigidus calorem subministratum subtrahat et
electricitatem.

b) *Remediorum, quibus calor subministatur siccus*, mag-
na existit copia et varietas. Huc pertinent linteamina,
tegmina, cujuscunque generis, panni crassiores, tela lineae,
canabina, bombycina, lanca, calefacta et saepius renovata
quibus integrum obvolvitur corpus — aut lateres calefacti
et linteo involuti, urcei aquis acidulis asservandis destinati,

lagenae oblongae, vesicae etc. aqua calida repletae, arena, cineres, avena, furfures, farina calefacta, quae congruis receptaculis sacciformibus excepta diversis partibus adcommodari possunt. Coelo favente; tempestate serena calida, si arena adfuerit sicca, asphycticum denudatum in nonnullis casibus sabulo imponere et radiorum lucis actioni vivificati exponere incongruum non erit. Huc praeterea faciunt balnea sicca et calida, arenae aut cinerum, quae calorem non solum super integrum diffundunt corpus, verum etiam eidem organismum universum penetrandi rem facillitant. Tale balneum adplicatur, dum cineres cribro denso a corporibus peregrinis majoribus purgati et calefacti super linteamen magnum ad crassitiem trium circiter pollicum extenduntur, asphycticus denudatus huic imponitur et ad eandem crassitiem iisdem, tandem, panno laneo calido obtegatur. Cinere non sufficiente eidem arena admisceri, hac deficiente furfures, maltum, recrementa calefacta substitui possunt. Eidem fini tandem machina inservit *Hamburgiensium* et alia a mechanico Harvey constructa, quarum quaelibet ex laminis metallicis parallele decurrentibus confecta et cujus cavum aqua calida repletur, haecque saepius pro necessitate renovatur.

Neonatis asphyxia correptis administratur calor interponendo infantulum in Lecto duobus sanis adultis individuis ut vivo quasi calore resuscitetur.

2. *Aëris inflatio in pulmones.* Hoc excitamenti genus magnam certe sibi vindicat dignitatem, quum respirationem resuscitat, functionem ad vitam continuandam omnino necessariam. Antequam autem ipsa tentatur aeris inflatio indagandum an eavum oris, aut narium, fauces et larynx permeabilitate gaudeant, aut fors mucco, limo aut alia substantia peregrina sint obstructa; quo facto haec e naribus ope chartae aut linteaminis convolutae, aut culmo fracto, vel aqua calida siphonis ope injecta removentur; in quo ultimo casu asphycticus lateri incumbere debet, quo facilius aqua injecta effluere valeat. Detecta autem laryngis aut tracheae obturatione, quae solis naturae conatibus tolli non potest, ipsa laryngo aut trachotomia evadit necessaria.

Ipsa autem aeris *inflatio* facillime obtinetur, si vir sanus et robustus, naribus asphyctici compressis ac ore illius in proprium os suscepto post factam profundam inspirationem aërem eidem inspiraverit, et post repetitam hanc inflationem, abdomine compresso aërem in viis respiratoriis haerentem haec autem in expirationis modum expulserit.

Quum autem vix quisquam est, qui nauseos huic se se subtrahere vellet periculo, aeris atmosphaerici inflatio etiam per tubulum simplicem ori aut si, hoc ob vali

dam maxillae inferioris superiori adpressionem fieri nequit, naribus impositum suscipi potest. Imponitur hoc sine naribus tubulus tennis, incurvatus, ligneus, metallicus aut optime ad mentem cel. *Pickel* ex resina elastica confectus.

Quum autem inspiratio haec artificialis nonnullis praematur incommodis; jam indole sua reviviscente mutatus infletur; quum insuper medentes certos non reddit omnem aerem corruptum realiter esse eductum de apparatu mechanico, hoc intuitu respondente detegendo solliciti fuere. Adhibent igitur in hunc scopum follem duplicem a Gorey inventum et a Rouland magis adhuc adcommodatum (Bernt. das Rettungsverfahren beim Scheintode, und in plötzlichen Lebensgefahren) cujus praerogativa in eo sita est, quod et aërem atmosphaericum inspirare et corruptum ex trachea et bronchiis educere possit.

Sub hujus folliis tractione autem summa ab initio necessaria est circumspectio et maxime attendendum, ne corpus peregrinum in larynge aut trachea haerens, tumultuaria aëris inflatione profundius adhuc propellatur; tandem et ad id, quantum aëris pulmones absque omni violentia excipere valeant, ne alias ultra modum extendantur, et quod facile accidere posset, nimia expansione laedantur.

Qualis vero aër pulmonibus induci debeat, res tam indifferens esse non potest. Aër atmosphaericus fidus hominum, ubicunque versentur comes, frequentissime primus in hunc trahitur usum, quum et ubique haberi potest, et stimulum sistit pulmonibus maxime convenientem. Haud raro tamen contingit, ut non obstante adcurata et sedula ejus adplicatione respirationis provocatio tamen impossibilis sit; commendatur sub his rerum circumstantiis *gasis oxygenii puri* inflatio, quod antea jam paratum, congruo conservatum modo, adplicationis occasione vesicae committitur et folli duplici aërem secus atmosphaericum spiranti adaptatur, hacque ratione pulmonibus inducitur.

Aerem oxygenium partem esse constituentem aeris atmosphaerici simulque validissimum pulmonibus stimulum nemo hucusque in dubium trahere est ausus, illius tamen inflationem, quam clarissimus *Günther* et celeberrimus *Professor Bernt* multum commendavit, illustrissimus *P. Frank* pro casibus nonnisi desperatis reservandam esse svadet, siquidem qua stimulus fortissimus effectus praeposteros facile ponere potest. Ubi periculo hoc sedulo et constanter continuato prima cordis pulsantis animadvertuntur indicia, tubulus ex ore aut naribus removetur et ad adminicula resuscitationem mollientia reliqua fit transgressus.

3 *Irritatio organorum internorum*, externae cutis superficie. Plura sunt adminicula quibus hunc adtingere conamur scopum, hinc pertinent:

a) *Stimuli cuti externae adplicati*. Magnus horum est numerus et admodum varia adplicandi ratio, simplicissimum non exiguo tamen effectu gaudens excitamentum, quod in levioribus asphyxiae casibus respirationem sat cito restaurare valet, est *adpersio cum aqua frigida* aut *aceto frigido*, quae cum impetu quodam manus facta aut siphone aut in formam stillicidii instituta faciem, scrobiculum cordis autpectus pro suae adplicationis loco agnoscit.

Non minoris ac praecedens incitamentum dignitatis *frictio* est corporis. Haec autem operatio, ut ut mechanicis peragatur adminiculis, tamen effectus summe dynamos ponit, nervos enim cutaneos excitat, calorem, electricitatem et reliqua imponderabilia processumque vitalem proicit, sanguinis motum per cutem externam incitat, et per reliquum organismum promovet, sicque in asphycticis resuscitandis vix non princeps remedium sistit. Frictio autem haec praecipue brachiis, cruribus, volis manuum, plantisque pedum, dorso, thoraci, scrobiculo cordis et abdomini adplicanda, et manu nuda, vel flanelle, aut panno consveto aut ex pilis equinis constructo aut ipso setaceo perficitur; quae omnia prius ad fornacem aut ad ignem calefacta vel fumo baccarum juniperi, succini, sauhari etc. imbuta in subsidium vocantur memoratum. Extremitates a quibus ordiendum, optime manu nuda viri sani, robusti, pulma non callosa instructi fricentur, quae ratione processus vitalis ab auxiliatore immediate in asphycticum transire et latenti vitae potentem stimulum et impulsu praebere videtur. Dum haec aliquo tempore incassum instituta sunt, pinquua et unguinosa non raro in auxilium vocantur, quibus simul efficitur et id, ut imponderabilia jam prolata per atmosphaeram subduci nequeant, ast potius isolentur. Serius pinquibus substituuntur stimulantia, aut iisdem copulantur: camphorae spiritus, aether vitrioli, spiritus aromaticus, aether aceticus, olea aetherea etc. Cel. *Ackermann* commendat unguentum oxygenatum, tamquam adminiculum respirationem cutaneam incitans. Postquam frictio longiori tempore manu nuda instituta fuisset, pannus asperior, crassus etc. in auxilium vocantur, ex quibus chirothecae parantur et paratae servantur. Frictiones ipsae autem, locis sensilioribus aut vulneratis evitatis, ad cutis usque ruborem et ad levem ejus intumescientiam protrahuntur, et in extremitatibus directione sursum, truncum versus instituuntur, ut sanguis a partibus externis ad cor promoveatur, hocque illo exstimuletur.

Sinapismi et vesicantia ad plantas pedum et retro aures adplicata, excitamenta sistunt, quae dum nimis tarde agunt, hoc scopo, hic loci adhiberi non possunt. Adminiculis vero hucusque adductis incassum adhibitis fortior cutis irritatio per *sensationum dolorificarum* excitationem ad scopum propositum quadrare videbatur medicis veteribus, qualia sunt: urtricatio, caesio per baccillos, instillatio olei fermentis, ceræ hispanicae, picis, aquae, infectio acns candentis sub unguem, aut digitorum apicibus, titillatio papillae mammaris acu; evulsio pilorum e regione pubis; ipsa tandem cauterii actualis ad plantas pedum aut mammarum papillas adplicatio. Horum autem stimulorum crudele genus, cum extra omnis humanitatis limites positum sit, nonnisi ad casus simulatae asphyxiae merito reseruant tempora recentiora.

b) *Incitatio sensuum externorum*. Inter adminicula huius ordinis vitae restituendae inservientia incitatio sensus olfactus sine dubio principalem sibi vindicat locum, cum haec ob nexum nervi olfactorii et cum encephalo et cum nervo sympathico non solum conscientiae et cerebri functionum, verum et respirationis resuscitationem adjuvare, imo non raro sola perficere valet.

Ad hunc scopum autem corpora odorifera fortiora et penetrantia quadrant, qualia sunt frustula cepae, alii, cochleariae armoracae recenter dissectae, acetum concentratum caetheres, spiritus eorum spiritus salis ammoniaci causticus, spiritus cornu cervi, spirit. corn. cer. succinatus, sal. cor. cervi, alea aetherea, spiritus aromatici etc., quae omnia aut naribus idmoventur aut labiis iliniuntur. His autem incassum adhibitis ad ipsa *errhina* refugi potest, uti sunt pulvis tabaci hispanici, pulvis subtilissimus florum arnicae montanae, mari veri, origanae majoranae radicis veratri albi, qui caulibus pennae ope naribus inflatur. In horum autem odoramentorum adplicatione medicum tantum esse opertet simulque hoc medicamentorum genere encephalon valde adfici et praemature ac non indicato eorum usu irreparabile adferri posse aegro damnum perpendere debere.

Ad incitandos *nervos gustatorios* substantiae validi et penetrantis adhibeantur saporis, uti oleum menthae piperitae aethereum, decocta et solutiones intensae amarae etc. quae ope penicilli linguae et pallato illiniuntur.

Nec pro reliquis sensibus adcommodatidesunt stimuli, sic sonus campanulae vel instrumenti alicujus musici aut acclamatio et strepitus validior pro *auditu*, lux intensior pro visu, sed quum efficacia eorum in resuscitanda vita prioribus multo sit inferior, usus etiam eorum ad casus reservatur rariores.

c) *Incitatio canalis alimentaris.* Stimuli huc spectantes, summae sunt dignitatis ac pharyngi aut ventriculo aut intestino recto adplicantur.

Quantam incitabilitatem in pharynge haerere neminem certe medicorum fugere potest, cujus irritatio ope pennae oleo immersae instituta ad ipsum usque ventriculum propagatur, nauseam et ipsas huius organi spasticas producit contractiones, hisque non raro respirationis resuscitationem pedisequam habet. — Non minoris in incitanda respiratione dignitatis remedia sunt emetica, scopo alterante ventriculo ingesta. Haec autem asphycticis ob deglutationem impeditam communicari non possunt, nisi praesto fuerit siringa a societate Londinensi proposita et a cel. *Kollemann* commendata, ex resina elastica confecta, cujus ope optime per uares, praeter emetica et quaecunque alia infusa, decocta, mixturae etc. absque difficultate porriguntur. — Ad irritanda intestina crassa pro diversitate circumstantiarum diversa adhibentur clismata, quibus remedia fluida modo evacuantia, modo solventia, emollientia, antispastica, anodyna, roborantia stiptica; vel fumus nicotianae tabacae efficacissimus, propria siringa fumicatoria injiciuntur. Absente autem tali siringe, duae pipae vulgares substituntur, tabulis provisae Tubulus unus adaptatur orificio ani, alteri extremo faica adposita est nicotiana repleta; alter tubulus tractatur uti in usu est fumigatori- bus ea cum intentione, ut orificia piparum patula sibi superimponantur, herba accendatur, et vir unus per suggibulum oretenens summum in pipam tubulo ano infixam inflet, et inde per canalem in intestinum rectum propellati. Fumus tamen lente inflari et ejus inspiratio non nimis diu protrahi debet, secus residua adhuc irritabilitas narcotica planta totaliter exhaurietur.

d) *Stimuli organismum universum penetrantes.* Dum omnia hucusque exposita et adhibita non sufficiunt ad stimulos universum organismum penetrantes confuginus, quales in *electricitate* habemus et *Galvanismo*. Ubi electricitas adplicatur, haec nonnisi ictibus mitioribus et lenioribus incipienda, quum ictus fortiores residuam et debilem in asphycticis vitae scintillam penitus extinguere valent. Frequentissime polus electricus positivus loco inter costam quartam et quintam sinistram, negativus inter secundam et tertiam dextram; aut ille in margine sinistro scrobiculi cordis, hic autem ad nucliam; aut conductor unus sterno, alter in loco opposito dorsi; aut conductor unus pice aut cera hispanica munitus oesophago, alter vero in medio dorsi aut scrobiculo cordis adplicatur, semperque ratio habenda, ut cor electricitatis influxui continuo exponatur. Admissis aliquot ic-

tibus electricis, abdomen et inferior thoracis pars eundem in modum, ut aëris inflatione solitum, comprimuntur ipsaque aëris inflatio de noviter tentatur.

Majoris virtutis est galvanismus adparatu ad mentem celeberrimi professoris Berni (das Rettungsverfahren beim Scheintode und in plötzlichen Lebensgefahren §. 58 et 59) constructio ita adplicandus, ut polus columnae voltae negativus ori, positivus vero ano imponatur sique medulla spinalis et nervus sympathicus efficaciae fluidi hujus imponderabilis exponatur. Subsequuntur ut plurimum motus tremuli fere convulsivi et energia vitalis lateus in lucem provocatur, contingitque subinde ut asphyxiae symptomata minui incipiant.

4. *Evacuationum salubrium promotio et periculosarum suppressio.* Ad principalia, quae vitae asphyxia obrutae revocandae inserviunt adminicula, humorum quorundam ex organismo evacuationes pertinent, quarum indicationes non raro tam urgentes sunt, ut dilatione earum summum saepe adducatur vitae periculum. Inter has evacuationes summam sibi evincit dignitatem sanguinis detractio aut venaesectione aut adplicitis hyrudinibus aut scarificatione instituta.

Est autem pro venaesectione indicatio in omni illo casu in quo asphyxia non tam a debilitate vera quam potius a debilitate spuria et sola virium vitalium *suppressione* aut *apoplexia* dependet, praepriis dum per nimium ad singulum organon nobile humorum adfluxum et ortam in illo laticis vitalis stagnationem ejus functiones ad vitam summe necessariae turbantur aut retinentur. Facies excedenter rubra aut caerulescens simulque turgida, oculi protrusi ac sanguine suffusi et venae jugulares ac temporales sanguine nimis turgescens, quibus status hic se se manifestare consuevit, signant, quae praepriis in aëre irrespirabili interentis, submersis, suspensis, strangulatisque observantur.

Ipsa vero venaesectio lege artis et ob vulneris magnitudinem necessariam semper lanceola pro circumstantiarum diversitate modo in brachio in vena cephalica, basilica aut mediana; modo in extremitate inferiore, in vena saphaena cephalica; modo autem in ipsa instituenda est vena jugulari externa. Quantitas sanguinis emissi libram unam vix excedat nunquam et ligatura adplicetur vulneri etiam in illo casu, in quo omnia resuscitandae vitae conamina frustra adhibita fuere.

Sanguinis per hircudines aut scarificationem detractio effectus mere locales ut plurimum producit, et ideo ad casus reservatur illos, in quibus aut asphyxia gradus est mitioris et sanguinis in organo singulo, e. g. cerebro accumulati topica requiritur depletio, aut ipsa vena secari non potest, ut

hoc in infantibus fieri solet, in quibus hoc sanguinis detractionis genus ipsius venaesectionis vices agit.

Emeticorum in asphyxia, scopo evacuante, admodum limitatus est usus et magna circumscriptio est necessaria, ne praesente statu apoplectico exhibeantur; quare igitur huius status sola suspicio sufficiens jam sistit emeticorum contraindicans. Vomitus sola saepe faucium penicillo titillatione causatur, cui producendo etiam oleosa et inquinosa vasculatim et frequenter exhibita haud raro sufficiunt. Inter remedia emesim producentia nostro scope usitatissima sunt: radix Ipecacuanhae tartarus emeticus et sulfas zinci. Radicis Ipecacuanhae pulvis ad grana 30-ta et solutionis unius aut quatuor granorum tartari emetici, aut triginta granorum sulfatis Zincii in quatuor unciiis aquae communis destillatae infantibus duo cochlearia coffeacea, adultis totidem cibaria tamdiu exhibentur donec insecutus fuerit vomitus, qui hausta infusi aliqujus theati aut aquae calidae larga copia facilitari et promoveri potest.

Nec remediorum per alvum evacuantium usus nimis extensus est in asphyxia; in illis tamen casibus, in quibus vita jam resuscitata, materiae nocivae in primis viis accumulatae haerent, nec conatu proprio intestinorum evacuantur, magnae utpotesunt utilitatis, Huius scopo non nunquam enemata sufficiunt, ex pulpa prunorum in aqua solutione, aut aceto vel decocto foliorum sennae alexandrinae cum mellis, aut salis culinaris vel eccoprotici pauxillo, parata.

Si clismata non sufficerent ad medicamina ventriculo ingerenda refugimus, quorum pro necessitatis casu sola eccoprotica aut laxativa refrigerantia vel stimulantia (infusum foliorum sennae, rheni jalappa) exhiberi deberent.

Ad producendas evacuationes serosas, quae scopo derivante causantur, cuti emplastrum adplicatur cantharidum, quod tamdiu in ea relinquitur, donec bullam exoptate traxerit magnitudinis sero repletam, ex qua aperta serum emittitur, et prouti ejus sanatio aut ulterior seri intenditur secretio vel butyro recenti insulso vel unguento digestivo; cui non raro pauxillum pulveris cantharidum admiscetur, tractari solet. Eidem scopo inserviunt cortex mezerei, aut herba recens Anemone nemorosae. Citissime tamen vesica sero repleta produci potest, dum ferrum candens ad distantiam unius pollicis cutis admovetur.

Suppressio haemorrhagiarum periculosarum secundum regulas chirurgiae, erit instituenda. Remedia in hunc finem adhibentur partim chemica partim mechanica styptica. Inter omnia autem haec remedia compressio partis sanguinem plorantis principalem meretur attentionem, quae aut ligatura communi aut adplicato turnaculo perficitur.

Dum igitur adminicula hucusque descripta indefessa industria per tempus aliquot adhibita fuere, jam breviori jam longiori, si felici coronatur opus successu, subsequentiim phoenomenorum comparitione vitaerae redentis iudicia cernuntur. Observantur musculorum motus tremulus, concussiones leves convulsionum formam aemulantes, praecipue in musculis labiorum et palpebrarum, cor incipit leviter vibrare et arteriae ictus micare, frigus marmoris disparet subsequente modico calore, respiratio parva et debilis increditur, os modice aperitur et parca subiinde quantitate saliva profluit. Sifanctum hunc impetrare licuit exitum ab adminiculorum adplicitorum continuatione haudquaquam desistendum erit, sed potius cum majori solertia ea imprimis auxilia continuanda sunt, quae efficacissima in casu dato se comprobare, quare igitur in caloris subministratone, aëris inspiratione, frictionibus sensuum externorum excitatione, clysmatum, remediorum stimulantium etc. usu, modo descripto sedulo continuandum. Redeunte tamen vita stimulantia a volatilia optimo successu adhibentur, in quem finem optime convenit spiritus salis ammoniaci causticus ad guttas decem viginti usque infuso aromatico unciarum duarum exceptus.

Vitae phoenomenis jam conspicuis subsequi solet somnus tranquillus, qui minime interrumpendus est, sed sub continua observatione committendus, eodem etenim virium vitalium vigor et functionum omnium restitui solet normalitas.

Reconvalescentia jam nullis eget medicaminibus jam aromaticis aut amaris, semper tamen quiete, somno placido, aëre salubri, libero non raro diaeta nutriente et vino, morbi qui subsequuntur secundarii secundum eorum indolem, gradum, stadium etc. tractandi.

Auxiliis autem hucusque expositis per horas sex ad duodecim adhibitis, si phoenomena vitae redentis non animadvertantur, asphycticus non est humo comittendus, aut frigori exponendus, sed calore fovendus balneo igitur fimi, arenae, cinerum etc. committendus, semperque sollicite observandus, donec putredo et humorum resolutio per integrum organismum diffusa, de vera morte induxerit certitudinem.

Speciale asphyxiae tractamen. Praemissis regulis generalibus, quibus asphyxiae tractamen absolvitur, ob differentiam, quae inter singulas mortis dubiae species intercedit, a re non erit, singulare adhuc principalium specierum breviter percurrere tractamen, quum lata eorum expositio et superflua foret et fini non responderet huic opusculo proposito. Notatu tamen dignum, maximam asphyxiarum differentiam et causarum occasionalium procedere discrimine, nec raram esse asphyxiam

mere symptomaticam. Ad principales animideliquiorum species pertinent:

1. *Animiliquia* aut *asphyxia* ex (systematis nervosi) debilitate directa h. e. magna stimulorum receptivitate cum exili reagendi vi. *Asphyxiae* genus hoc omnium est frequentissimum quum habituali huic ad animiliquia dispositioni influxus nonnisi exiles jam sufficiunt; ut status, de quo sermo, producat; huc pertinent prae omnibus *asphyxiae* hypochondriacorum et hystericarum. In subministranda medela talibus *asphyxiis*, situs corporis horizontalis, vestimentorum et vinculorum arctiorum, thoracum, tibialium, fasciarum etc. solutio, aëris atmosphaerici puri et frigidiusculi admissio, faciei et scrobiculi cordis aqua frigida adpersio, frictiones siccae aut vino, spiritu vini, ammonia pura liquida, oleis aethereis, sola manu aut flanella, aut ipso setaceo instituta omnem saepe absolvunt curam. Odoramenta validiora absque dubio pertinent excitamenta, in eorum, praeprimis volatilium (alkali volatilis, aethereum, acidi concentrati etc) usu, magna necessaria est attentio, quum immediate encephalon adficientes, effectus non raro nocivo producere solent.

Substantiae tamen odorem laud amoenum spargentesa ut crines, pluma aut lana accensa, allium, cepa, ass, foetida egregiae in *asphyxiis*, quibus hysteria sublatet agere consuevere. Illis tamen insufficientibus euemata injiciuntur irritantia aut excitantia qualia sunt, cum tartaro emetico, terebinthina, radice asari aut gratiolae, cum assa foetida vela ex fumo herbae nicotianae tabacae parata. Deglutatione perstante illaesa, remedia leniter aut pro necessitate fortius stimulantia instillantur, uti aqua cinamomi, menthae piperitae, aqua uaphae, infusa aromatica, vinum vetustum, olea aethERICA, praeparata radice valerianae, aetheres spiritus eorum, assa foetida, ambra castoreum, moschus, camphora et varia, quae praesto sunt, alkali vegetabilis praeparata.

Ad praecaveudas tandem recitivas in ipsum morbum primarium, hypochondriam aut hysteriam ageudum erit, cui scopo optime convenit tractamen, quod horum morborum therapia specialis praescribit.

2. *Animideliquia* et *asphyxia* ex virium corporearum exhaustione. Ex hac causa orta animideliquia rarissime eum adipiscuntur gradum, ut ipsam attingant *asphyxiam*, verum plerumque inter limites lipothymiae aut syncopes manentes leniora requirunt sibi excitamenta. In tractamine autem hujus *asphyxiae* generis ad causam hanc exhaustionem virium excitantem attendendum erit. — Quae nempe ex nimio oritur dolore *asphyxia*, hujus per tempus quod durat, producit silentium, hinc non tam tumultuarie adgre-

dienda, cui si junctus est status spasticus, praeter remedia externa saepius jam memorata, interna opium et extractum hyosciami quadrant.

Ubi dolores inflammatione alicujus organi causantur, apparatus integer antiphlogisticus in auxilium est vocandus.

Asphyxia ex nimio sanguinis profluvio praepremis metrorrhagia, ipsum sanguinis pro tempore exhibet effluxum, quare igitur nonnisi tunc ubi altioris gradus et cum vero mortis periculo conjuncta, remedia fortius stimulantia in usum trahi possunt, ipsa autem haemorrhagia modo regulis therapeuticis consentaneo tractanda. Quod in excretionibus excedentibus diarhoicis, pollutionibus, galactirrhoea etc. sui agnoscit causam animideliquium, therapiam morbo primario correspondentem, balnea insuper tepida, remedia exsiccantia roborantia sibi exposcit.

Famelicorum aut nimia virium muscularum intentione exhaustorum asphyxia, cautum admodum requirit tractamen.

Praemissis remediis stimulantibus volatilibus, vino aethere sulfurico aut acetico, nutrimenta facillime digerenda, vitellum ovi jacula carnosa, emulsiones, sago, ereinor hordei avenae, orizae, ab initio minimis, tandem majoribus quidquam portionibus porrigantur.

3. *Animi deliquium aut asphyxia ex vehementibus animi affectibus*, ira terrore, angore, gaudio inopinato etc. Tali asphyctico detractis vestibis, statim adplicatur pediluvium, cui insequuntur odora menta praepremis acetum concentratum naribus admodum et frictiones temporum, serobiculi cordis, ac extremitatum superiorum et inferiorum. Injiciuntur nunc anemata emollientia et ubi signa sunt sanguinis in encephalon congesti absque omni dilatione secatur vena.

Redeunte conscientia infusa aromatata, liquor anodynus min: Hoffmanni aut spiritus cornu cervi exiguis dosibus; praesentibus autem in systemate circulatorio motibus activis nitrum porrigitur. Post iram vehementem plerumque symptomata biliosa residua remanent. Bile autem prout fuerit turgescencia, per vomitum aut alvum evacuata; potus acciduli, limonada, aqua cum aceto, aut cremore tartari, serum lactis etc. quibus acris hic latex decomponitur simulque leniter ex organismo educitur, juste in hunc commendatur scopum.

4. *Asphixia fulmine tactorum*. Ubi post magnam tempestatem fulminum ictibus et tonitru conjunctam homo invenitur, cuiusne deficit vitae praesentis signum, si cubile in quo moratur aut vestimenta quibus est indutus, sulfureum aut phosphoreum spargant odorem, si circa haec vestimenta aut corpora vicina parietes, arbores, variae laesiones, aut metalli prope adjacentis fusiones in ipso

praeterea in individuo rubrae aut coerulescentes aut nigrae conspiciantur maculae aut striae, asphyxiam esse, et quidem fulmine adductam nemo amplius dubitabit.

Qua ratione autem materies haec electrica in organismum influat, et asphyxiam aut ipsam producat mortem cum certitudine affirmari non potest. Probabile tamen est, electricitatem hanc minimum pro systemate nervoso esse stimulum, quo hoc vehementissimo adgreditur modo, cunctae ejus vires omnisque irritabilitas uno quasi ictu exhauriuntur, summus per minimum stimulum in systemate nervoso et musculari ponatur torpor et ille status exoritur, qui pathologis nomine debilitatis indirectae venit. Idem hoc monstrant multa pericula in animalibus instituta, quibus constat in iisdem ictu electrico occisis nec minimum irritabilitatis amplius mansisse vestigium. Quare igitur mirum non erit, cur in hominibus, qui ex hac asphyxiae specie felicem celebrarunt resuscitationem non raro paralyses, imprimis extremitatum, melancholia aut mania tamquam tristitia remanserint morbi residua. Tandem et ipsa per ictum electricum producta *valida concussio* organismi integri ad causandam asphyxiam multum contribuere, vix quisquam erit, qui dubium movere posset.

In subministrando auxilio fulmine tactis excitationem irritabilitatis et sensibilitatis, fibrae nerveae et muscularis pro scopo habemus. Si talis asphycticus in loco clauso aut cubile invenitur, fenestrae statim et portae aut januae aperiendae, aut aeger potius, ut ex integro vaporibus detrachatur sulfurcis, in aërem liberum deportandus erit. Balneum sic dictum terrenum (das Erdbad), cujus in hac asphyxia laudes a nonnullis plenis decantantur buccis, et quod applicatur, dum asphycticus foveae recens fossae, capite quidquam elevato immittitur, totusque excepta sola facie, ad altitudinem octo circiter pollicum humo obtegatur, et per horas aliquod in hac situatione retinetur, non ideo, quia agendi modum hujus remedii non intelligimus, sed ideo non commendamus, quia aliis auxiliis efficacibus et comprobatis via occluditur, tempusque remedio adhuc ancipite et minus comprobato teritur. Quae reliqua ad resuscitandum hujusmodi asphycticum instituenda forent pericula, sequentia sunt; aeger in aërem liberum, purum deportatus et vestientis denudatus, in situm ponitur horizontalem, capite tamen erecto, adhibentur nunc adpersiones aqua frigida, quae multa esse et vi insigni in faciem aut cordis scrobiculum propelli debet; volae manuum et plantae pedum setaceo, extremitates autem panno flanelino fricentur, inflatur pulmonibus aër modo superius jam descripto; admoventur naribus odorama varia; irritantur nervi gustatorii guttula

salis ammon. caustici linguae instillata; adhibentur emenata excitantia et his non juvantibus fumus applicatur tabaci per syringam ano injectus.

Omnia haec remedia sedulo et absque omni cunctatione sunt adhibenda, si fausto effectui conamina coronari cupimus. Eventu tamen hoc felici denegato et adminiculis supra enumeratis incassum adhibitis omnis et ultima spes vitae resuscitandae in sola electricitatis et galvanismi applicatione locata est; siquidem non rarissima est observatio, in hominibus conscientiam per fulminis ictum abolitam, per alterum subsequum restitutam fuisse. Sub horum autem imponderabilium usu maxime attendendum, ut modo superius jam descripto cor et nervi intestinorum eorundem influxui exponantur.

In casibus ubi signa congestionis ad encephalon manifesta sunt, vena absque omni dubio secanda erit, in quocasu etiam a remediis fortius stimulantibus pro possibili abstinendum.

Resuscitatione feliciter impetrata maxima sentitur ab aegris debilitas, et hic analepticorum princeps est locus. Temulentia autem, aut vertigo, soporositas, status encephali inflammatorius, oppressio pectoris, accedentia, aut paralysis extremitatum residua, methodo illis omni ex parte convenienti tractantur, cujus tamen fusior expositio ad forum therapiae specialis pertinet. — Vulnere tandem si quae adsunt usta, ad doloris evanescentiam usque fomentis frigidis tractantur, tandem remediis oleosis consuetis sanantur.

5. *Asphyxia ex nimio frigore sive congelatorum.* Quam cito et certe per caloris subtractionem vita ad imum delabi potest, quicumque intelliget, qui stimuli hujus magnam dignitatem ad sustentandam vitam sat bene intellexerit. Sub majoris frigoris influxu protracto ab initio horror universalis, tremor maxillae inferioris, oppressio pectoris sensusque urens ac constringens in toto corpore observandus, accedit. Cutis universa externa rubet et dolet et quasi inflammata est. Sequuntur sensationes dolorificae in extremitatibus et praeprimis in digitorum apicibus percipiendae, formicationis sensui similes, et rigor membrorum illi sub tetano non absimilis. Tandem cutis pallida evadit et insensilis, oritur anxietas, delassationis sensus, et somnolentia vix superanda, quae mox in plenariam conscientiae abolitionem et rigorem universalem transit. Totum corpus nunc summa pallidam aspectus quasi cerei est, glaciei ad instar frigidum durumque tangitur et vitrea nunc gaudet fragilitate.

His tamen omnibus non obstantibus prognosis in hoc asphyxiae genere reliquis est faustior, siquidem congelatorum longe plurimi salvati sunt et simul exempla adsunt.

secundum quae in congelatis resuscitationis pericula post aliquot dies instituta fausto adhuc eventu coronata fuere; ex quo simul sequitur in congelatis resuscitationis tentamina nec unquam esse praetermittenda

Summi momenti *transportatio* congelati ex uno loco ad alium est, et a vestibis demittatis, summe enim attendendum ne sub his negotiis, ob vitream corporis fragilitatem, una alterave pars praeprimis aures, nasus, labia, digiti aut genitalia laedantur.

Inter adminicula ad resuscitationem facientia, *caloris subministratio* maximae est in congelatis dignitatis, quae ut effectum exoptatum producat lentissima et summe modica esse debet, siquidem neminem latebit, organa congelata et justo citius ac incaute calefacta mox in inflammationem vehementissimam et sphacellum effreni ruere modo. Haec autem caloris subministratio, ut dicto respondeat scopo, sequenti fieri solet modo: deportatur nempe asphycticus in cubile frigidum ab aëre tamen persflante munitum et denudatus nivi ad altitudinem octo circiter pollicum substrate imponitur, totus, exceptis naribus et ore solo, eodem corpori bene adpressa obtegitur, et in hac situatione tamdiu retinetur, donec membra propriam sibi recuperaverint flexilitatem, nix interea in corpore liquefactae copiam continuo nova restituendo. Ubi vix defuerit juvat asphycticum lintheaminibus involvere aqua frigidissima humectatis, aut si haec deficerent, eum balneo ex aqua frigidissima parato immittere et ad restitutam usque membrorum flexilitatem et evolutum altiore caloris gradum in eodem retinere. His impetratis asphycticus madore omni absternus in cubili non calefacto lecto imponitur frigidissimo, in quo ab initio leniter, tandem fortius imo et tela flauellina calida fricatur. Respiratione his adminiculis non mota aeris inflatio folliis tamen ope necessaria evadit, ne aër nimis calidus praematurae pulmonibus ingestsus effectus nocivos producat. Institutis et his ipsius nunc cubile paulatim et stragula calefieri jubemus, — adplicantur modo enemata emollientia, et scopo derivante pediluvia, quae utraque ab initio frigidissima tandem tepida esse debent; — fauces lingua, nares stimulis sibi propriis irritantur, ctsi deglutitio illaesa adest, infusa levia aromatica, uti infusum herbae melissae aut florum tiliae etc. modice calida porriguntur. Si autem hoc ob maxillas valde sibi adpressas impossibile foret, frictiones prius in regione musculorum temporalium et masseterum cum nive aut glacie pulverisata, tandem cum spiritu vini, spiritu camphorato aut petroleo instituendae forent.

Febris tandem, quae se se plerumque in huiusmodi resuscitationis insinrare solet inflammatoria aut ipsa encephalitis,

pro sua dignitate methodum antiphlogisticam sive mltiorem sive generosiorē cum respectu ad partes affectas; magna virium vit alium exhaustio remedia sibi correspondētia analeptica; inflammatio gangraena, aut sphacellus singulorum partium, corespondens omni respectu sibi exposcunt tractameu.

6. *Asphyxia per aërem irrespirabilem.* Gaza et vapores in quibus ulteriore vitae animalis continuatio possibilis non est, in organismo hum ano illis exposito phaenomena aut *verae narcosis* — exhalationes plantarum narcoticarum aut suffocationis — vapores acidi, sulfuris, nitrici muriatici aut alcalini — aut utriusquae simul — vapores carbonum gliscentium, fluidorum fermentantium, inspatiis occlusis, fossis, putealibus cellis etc. evoluti, pallidibus exhalati; — producent. Frequentissimi tamen sunt casus asphyxiae gaze acido carbonico azotico aut hydrogenio inductae. Quae in iisdem morantur individua sequentia experiuntur phaenomena: oppressiones pectoris, respirationis difficultatem, anxietatem cepheam oppressivam, temulentiam vertiginem, photopsiam et myodesopsiam, trisimum, leipothymiam syncopem et tandem ipsam asphyxiam sub qua facies observatur intense rubra, venae cutaneae et praeprimis colli sanguine caeruleo turgidae, labia livida, membra omnia flexilia et in ipso cadavere omnia signa suffocationis praegressae.

Ut autem asphycticus e loco in quo moratur periculoso educi valeat, fenestrae, ianuae, porta, ut aëri atmosphaerico accessus concedatur prius appeririendae erunt vel si hoc fieri nequit sarecina straminis acciensa eidem inititur loco, tandem vir robustus adplicata ori ejusdem vesica aëre respirabili repleta, asphyctici exportationem suscipit.

Hic igitur in aërem liberum aut cubile sat amplum et aere purn frigidiusculo repletum adfertur, et situ semi-erecto eidem in sella idonea concesso, cerebri sanguine congesto oppessi liberatio omnium primo tentatur; quare igitur inter omnia resuscitationis adminicula venaesectio hic loci principatum sibi vindicat, quae in vena jugulari et saltem ad libram instituta, multo majoris adhuc est utilitatis. In eundem finem etiam faciei et pectoris continua aqua frigida adpersio, fomenta frigida, nix aut glacies capiti imposita, enemata evacuantia et pediluvia tepida in usum trahi debent.

Non minoris momenti quamsanguinis évacuatio ipsa est aëris atmosphaerici *inflatio*, quae folle duplici saepius jam memorata fieri debet, quo pulmonibus non solum aeri

purus subministratur, verum simul gaza nociva in iisdem morantia educuntur. — Illis insuper qui vaporibus exfluidis fermentantibus evolutis interierunt, lintheamen spiritu cornu cervi aut amonia pura liq. humectatum ori imponitur aut nari bus admovetur, aut lingua et labia iisdem liquidis illiniuntur; — eadem fit operatio cum aceto vini optimo in illis, qui vaporibus interierunt putridis aut palludosis, quorum etiam faciem aceto saepius humectare juvat; tandem fauces ipsae panno aut spiritu cornu cervi aut aceto bono imbuta irritantur, donec tanquam prima vitae redeuntis indicia aut sibillus quidam in naribus aut singultus aut vomitus exortus fuerit, quo magna materiei nigricantis, spumosa et densae copia evacuari solet. Ut autem haec evacuatio facilitetur, os baccillo lintheo obvoluto et dentibus interposito apertum teneatur necesse est. Tandem et frictiones brachiorum, crurum pedum et thoracis siccae aut cum aqua frigida susceptae variae demum innunctiones, adoremensorum adplicatorum et errhinorum adplicata tanquam adminicula conamina superius enumerata multum adjuvantia negligenda non sunt.

Conscientia et respiratione hac ratione restitutus aeger lintheaminibus calidis proviso, capite tamen elevato imponitur, et eidem prouti vaporibus narcoticis aut suffocativis opprimebatur acetum aqua dilutum, aut guttulae aliquot spiritus cornu cervi cum infuso aliquo theato, vel utriusque medicamentis mixtio omni quadrante horae exhibetur.

Respiratio vero difficilis et stertorosa, ac palpitatio cordis cum pulsu duro et pleno horum organorum nimiam sanguine oppletionem indicant, sibi que iteratam saepe exposcunt sanguinis missionem. Cardiopalmus autem cum pulsu debili et parvo infrictione spiritus camphorati in regione cordis, infusoque aliquo aromatico mox iterum componitur.

Ultimo tandem attendendum ut omnia colatoria aperta teneantur et una alterave excretionem aegre procedente, correspondentia adplicentur remedia evacuantia.

Adminiculis per horas sex et ultra incassum adhibitis, galvanismus adhuc et balneum arenae in auxilium vocari possunt, quibus etiam absque ullo effectu adhibitis cadaver *ad intrantem usque* putredinem strictissimae subjici debet observationi, ut absque omni metu sepeliri possit.

7. *Asphyxia per submersionem sive hydrasphyxia.* Phaenomena, quae hydrasphyctici observationi offerunt, varia sunt. Dantur nempe, qui cutem universam cavum oris linguamque pallida cadaverum ex sanguinem ex haemorrhagia defunctorum in modum, totum corpus frigidum, immobile

insensile rigidum, vibrationes cordis et arteriarum ac motus respiratorios penitus sublato praesentant. Alii in contra toto corpore turgent, rubent, imo ferme caeruleo suffunduntur livore, oculi produruntur, vasa conjunctivae sanguine injectissima, lingua et reliquum oris cavum praerubra et illa subinde tumida prominens, saliva et sputa crocea vel solum cruenta quae ex naribus hinc inde stillant. Cadavera horum incisa cavo crani mutationes variantes offerunt; in trachea autem et bronchiis aliquam quantitatem utut parcam liquidi ostendunt, in quo homo submersus est. Fluidum hoc ab aëre ex pulmonum parenchymate ex pulso spumescit, cui subinde paucillum admiscetur sanguinis; venae cavae, sinus venarum cavarum, cor pulmonale et arteriae pulmonales sanguine atro, venoso scilicet oppletae, venae autem pulmonales, cor aorticum et ipsa arteria aorta inanes aut minimam quantitatem sanguinis venosi continentes; ventriculus magna aquae copia distentus, sanguis non raro tam resolutus et fluidus animadvertitur, ut ex vasis cerebri laesis pleno prorumpat rivo. In aliis casibus autem cadavera encephalon cum meningibus crnore *denso* distentum, aut plane laticem vitalem, vel lympham vel serum extravasatum, venas sanguine obrutas etc. offerunt, et hoc vel maxima tunc; dum individuum fuerit juvenile, habitus apoplectici aut congestio ad caput per amini affectus aut spirituosa etc. inducta praecesserit.

De causa mortis proxima submersorum diu disputabatur. Veteres suspicabantur submersis aquam cavum organorum spirantium et ventriculum penetrare hancque ipsam mortis causam proximam constituere; ideo in therapia instituenda hanc causam respicientes submersos pedibus suspendendos, aut dolio imponendos esse praeicipiebant, ut sic aqua proprio efflueret pondere. Huic sententiae renitebantur plures naturae scrutatores praetendentes in trachae et bronchiis nullam contineri aquam, siquidem epiglottidis musculi spastice contrahuntur et omnem fluidi ingressum praecavent. Viri hi ut morbis causam *apoplexiam* accusant. — Observationes tamen recentiores et experimenta celeberrimi professoris. — Berut circa medicinam forensem summe meriti, extra omne dubium ponunt aquam non obstante hac organorum spastica contractione, non tantum ventriculum sed et vias *aereas subintrare*, hacque ratione ad respirationis immi nutritionem et plenariam tandem suspensionem conferre.

His igitur omnibus rite consideratis, ac phaenomenis ab asphycticis oblatis et mutationibus in eorum cadaveribus observatis rite perpensis, vix quisquam amplius dubium movebit, in casibus hydrasphixiae longe plurimis mortem sive

dub iam sive geminam per *suffocationem* adduci, sed dari etiam exempla non rara, in quibus mors per meram apoplexiam fuerat inducta, tum praeprimis, si individuum juvenile plethoricum, habitus apoplectici fuerat, aut nimia ad ecephalon congestio per animi affectus aut spirituosorum longiorem usum, corporis motum etc. excitata praecesserat.

His itaque praemissis, rationalem nunc medendi methodum superstruere valebimus; in cuius applicatione et ad felicem totius curae submersorum exitum duo praeprimis momenta omni attentione digna consideranda veniunt:

1. Ut aquis quam cilissime et cautissime exquirantur exhaeruanturque.

2. Ut remedia opportuna latentem vitam excitantia congruo adhibeantur modo.

Ubi homo in aqua demergitur limpida, non profunda et simul stagnante ejus exquisitio et extractio non tantis praemittitur difficultatibus. Si vero infortunium hoc contingit in aquis profundis, turbidis, cito fluentibus, dum locus submersionis ignoratur, submersus partim fluctibus, partim proprio conatu ulterius promotus, aut infra glaciem lapsus est, exquisitio ejus passim cum plurimis difficultatibus juncta est, imo hausraro omnem aludit operam.

Optatissimum certe foret, si piscatores, nautae aut alii in arte urinatoria exercitati semper praesto essent, qui demersum et citissime exquirere et absque omni laesionis metu Neptuni manibus eripere possint. Quum autem hi nec ubique haberi, nec semper adesse possunt, summa nonnullorum virorum humanitas, illos eo perduxit, ut de instrumentis demersis exquirendis et undis extrahendis inventibus cogitarent.

Vulgatissimum instrumentum demerso exquirendo est pertiga lignea aliquot orgias longa, cujus fini teniori adfixus est hemicirculus ferreus in suis terminis globulis metallicis cavis provisus (der Sucher), quo instrumento submersus et ipsius situs, quin vulnerari queat investigatur, et inventus retinetur, ne fluctibus ulterius promoveatur.

Observatio anglorum, panem mercurio vivo repletum et undis in quibus suffocatus haeret commissum, eo loco ubi jacet ob adtractionem aliquam sympathicam aut subsistere aut seguis moveri, adhuc in dubio latet, et si quid in re est id totum in aquis stagnantibus obtinet.

Detecto hac ratione submerso illius ex undis extractio tentatur. Comodissimus in hunc finem apparatus a mechanico Hamburgensi Braasch inventus (die Fangzange), qui pertigae lignae adfixus in memoratum trahitur usum. Est autem ille in formam forcipis, obstetricii confectus, manubrio constat simplici, brachiis vero binis fenestratis, eaque gau-

det instructione, ut dum in undas dimittitur, proprio aperiatur, pondere, dum vero attrahitur, brachia sibi adproximantur, sese claudant prehensum quin vulnerent aut comprimant convexitate sua convexitati corporis optime respondentia in situ sustineant debito. In defectu talis machinae, rete pro piscatione adhiberi solitum, demerso extrahendo inservire potest.

Summa vero difficultate auxilium adferri potest illis, qui fracta crusta glaciali aquis merguntur. Globuli de rete penduli, qui his miseris projiciuntur, raro fini suo respondere valent ideo, quia illaesa adhuc submersi, ut corripiri possint, sibi exposcunt conscientiam, nec non eundem lethaliter vulnerare et undis totaliter committere possunt.

Egregiae autem utilitatis inpraestando his miseris auxilio est *navicula a Thoma Ritzler confecta* (das Eisboot) quae ex vimicibus constructa et externe corio obducta ac ita fabrefacta est, ut in aqua cymbae, glacie vero tracharum praestet commoda, tamque levis est, ut per loca in quibus neutrum applicabile est ab uno viro facillime gestari possit. (Plura de hoc apparatu vide *Bernt's Vorfesungen über die Rettungsmittel beim Scheintode* etc. pag. 34.)

Naviculae huic comode sociatur scala levis lignea (die Rettungsleiter) ita constructa, ut absque difficultate prolongari possit, quae ei inservit usui ut vir opem ferens in glacie tenera periculum submersionis non experiatur, sed super demerso adpropinquare valeat, in hoc situ, per comitem suum, in cymba excubias agentem detinendus.

Hydrasphycticis bajulantis inservit *lectica societatis Hamburgensis*; corbis adinstar ex viminibus salicinis confecta plano horizontali inclinato, et perticis lateralibus duabus tenendo inservientibus instructa. Haec lectica omnes reliquos apparatus superfluos reddit, cum situ commodo oninis periculi jungens absentiam.

Posteaquam hydrasphycticus adminiculis hucusquae adlatis detectus et ex undis extractus fuisset, primam eidem opem, faciem cavum narium et oris fauces quaelino luto sabuloque etc. impactis purgando ferimus. Aqua in trachea aut oesophaco contenta, per situm, in quo per aliquod minuta secunda retinetur asphycticus horizontalem trunco tamen quidquam deorsum inclinato et facie prona, ut liquida extrachea et oesophaco effluere valeant, eliminatur. Periculosissima et simul pessima est consuetudo submersum invertendi, de pedibus suspendendi, capite in dolium inverso sustentendi, quum lethalis apoplexia vix evitari potest.

His impetratis hydrasphycticus lecticae superius descriptae supinus capite tamen elevato aut lateri sinistro incumbens imponitur, et ad locum ubi tentamina vitae re-

suscitandae institui possent proximum deportandus venit hic ex templo a vestibus denudatur et linteaminibus calidis a madore siccatur omni.

Adminicula vero ipsa, quae vitae resuscitandae hydrasphycticis inserviunt, pro uti asphyxia per *suffocationem* inducta fuerit aut *apoplexiam* diversa adplicanda veniunt et aut *respirationis* et *circulationis restitutionem* aut citissimam *encephali* a sanguine nimis congesto *liberationem* aut utrumque simul pro scopo habent.

Omnium autem primo caloris subministratio suscipienda erit, cuius ratio varia esse potest. Coelo favente, tempestate serena, calida, si ad ripam fluminis aut stagni ex quo extractus est hydrasphycticus adfuerit arena glareosa, eum huic denudatum, capite tamen elevato imponere et solis radiorum actioni vivificanti exponere juvat. Ubi autem hoc fieri nequit, hydrasphycticus in cubile aptum celerrime desertur et pegurati aut substrato ex pilis equinis confecto, sano stramine provisum situ superius memorato imponitur ita, ut accessus omni ex parte auxiliantibus pateat, congruisque tegminibus universim cooperitur. Ut autem aequalis sustentetur calor, panni crassiores, tela lineae, canabina, bombicina prius calefacta frequenter renovantur tandem et lateres calefacti linteo aut panno crassiore involuti plantis pedum adpositi; urcei aquis acidulis asservandis destinati, lagenae oblongae, vesicae etc. aqua calida repletae et intra crura locatae, arena, cineres, fursures calefacti et receptaculo congruo excepti, thoraci aut abdomini adcommodantur. Haec autem caloris subministratio non nisi gradatim fieri et in illis qui fracta glacie aquis submergebantur, regulis in tractamine congelatorum expositis dirigi debet.

Respirationis et circulationis resuscitatio in hydrasphyxia praeprimis, quae suffocationi innititur, summi certe est momenti. Promptissime obtinetur hoc aëris pulmonibus inflatione, aut a viro robusto fistula elastica naribus aut laryngi adplicata suscepta aut follis ope instituta, musculis abdominalibus autem post brevia interstitia, semper compressis, ut expiratio molliatur. In casibus desperatis in quibus sedula horum adminiculorum imperatione respirationis tamen provocatio non obtinetur, gazis oxygenii puri inflatio tentanda erit.

Non parum ad eundem scopum faciunt etiam frictiones in variis corporis hydrasphyctici partibus susceptae. Plantae pedum primum et sedulo setaceo fricantur calefacto. Hae frictiones tandem in femoribus, brachiis, scrobiculo cordis, dorso et reliquo corpore, pectore tamen excepto aut manu nuda aut linteo pannoque flanelino calefacto sub ipsis perficiuntur tegminibus. His autem insuffici-

entibus frictiones tentantur humidae cum vino, aceto, cremato, spiritu vini; spiritu camphorato, ammonia pura liquida etc. — Frictionibus enumeratis simul enematum cum bono fructu jungi potest usus. Haec tamen ab initio emollientia, aut abdomine aqua deglutita vel limo repleto, evacuantia esse debent. Fit ab his transitus ad fortiora, cremato, vino, spiritu vini, infusis aromaticis, assa faetida etc. imbuta; tandem ad ipsa ex fumo herbae tabacae parata.

Nec vero reliqua incitamenta ad impellendam, respirationem multum contribuentia negligenda sunt, huc pertinent: odoremorum fortiorum et errhinorum adplicatio titillatio palati mollis; inunctionis cum aethere, spirit. salammou: caust aut spiritu cornu cervi in regione temporali abdominali, femorum aut ad genitalia adhibitae; stillicidium scrobiculi cordis adplicatum; spiritus cornu. cervi aut decoctum herbae absinthii saturatum ad guttas aliquot instillatum; vel infusum florum Chamomillae vulgaris, spiritus cornu. cervi, ammonia pura liquida, liquor anodynus mineralis Hoffmanni aut solutio tartari emetici ope tubuli elastici ventriculo ingesta: sinapismi vesicantia etc.

Adminiculis his omnibus sedulo quidem, ast incassum adhibitis nil restat, quam ipsam *electricitatem* aut *galvanismum* n auxilium trahere.

Commendatur etiam praeprimis hic posterior aut modo a Wiedemann proposita genitalibus, aut methodo a cel: Humbald et Aldini praescripta oesophago et intestino recto adplicatus.

Praesentibus autem in hydrasphyxia symptomatibus apoplexiam indicantibus, uti hoc in individujs juvenilibus bene nutritis, plethoricis, habitu apoplectico donatis saepius observare licet, praesertim si causae sanguinis congestionem ad cerebrum inducentes praecesserant, *sanguinis evacuatio* per venaesectionem larga manu instituta inter omnia reliqua remedia principatum tenet. Ipsa caloris subministratio in tali casu admodum modica esse debet, et frictionibus fomentis siccis calidis etc., ob sanguinis torrentem ad cerebrum directum sepositio, semicupio fit simplici emollienti tepidiusculo, in quo hydrasphycticus in situ retineri debet semierecto, sub quo capiti fomenta frigida aut glaciem imponere saepe non erit contra indicatum. Ad irritandos nervos olfactorios solum acetum naribus admoveri potest, et tractamine lucusque descriptio nil juvante ad stimulos fortiores jam enumeratos saepe, transire licebit.

Vita autem, medella descripta revocata, symptomata morbosa varii ordinis in conspectum venire solent, quae pro diversa origine, natura, caractere, gradu, organo adfecto

diversam sibi exposcunt uedendi methogum, singulo casui et individuo adaptandam — cuius tamen fusior expositio ad specialis therapiae forum pertinet.

Reconvalescentia jam nullis eget medicaminibus, jam aromaticis, amaris, quiete, somno placido, aere salubri, libero vino diaetaque nutriente.

Si auxilia haecque enumerata per quatuor horas aut ultra absque omni adhibitae fuere effectu, venae, quae sectae fuerant, nunc lege artis ligantur, et asphycticus balneo arenae aut cinerum imponitur, in quo eo usque strictissimae subjicitur observationi, donec maculae lividae infacie exortae, aut sanguis putrescens et resolutus ex ore et naribus prorumpens veram mortem extra omne posuerint dubium, in quo casu cadaver mox erit sepeliendum.

8. *Asphyxia obrutorum et oblisorum.* Non tam rarus casus, quo laboratores in fodinis ex quibus metalla aut est lithantraces effodientur, aut fossis arenosis; aut homines cuscuncque conditionis sub terrae concussionibus in aedificiis aut itineratores nive ex montibus labente obruuntur. Haec autem asphyxia aut quae supsequitur mors per veram suffocationem inducitur, ad quam producendam non raro et organisationis laesio et gravis saepe concussio contribuunt.

Adiuvacula resuscitationem mollientia eadem sunt uti in asphyxia quacunque suffocatoria. Quare vestimenta, vincula arctiora, collaria, thoraces, cingula aut lora abdomini injecta, bracheria, tibialia, fasciae etc. praevia et sine multa agitatione solvenda sunt; facie rubra aut rubro — livida et turgida sanguinis evacuatio e vena jugulari aut brachiali secta, aëris demum in pulmones inflatio, odoramentorum enematum stimulantium adplicatio, frictiones et omnia reliqua saepius jam memorata necessaria flunt.

Morbus si quis oritur secundarius secundum originem, naturam, characterem, gradum etc tractandus erit.

9. *Asphyxia per suspensionem et strangulationem.* Qui aut libero consilio aut aliorum malitia suspensi fuere aut strangulati faciem offerunt lividam et turgidam, oculos protrusos et spumam sanguine mixtam ex ore manantem. Vae-nae cerebrales et meningum multum sunt extensae et pulmones sanguine nimis obruti. Mors ipsa in his uti in hydroasphycticis fieri solet, aut per suffocationem, aut per apoplexiam, aut per utramque simul inducitur. — Ob has igitur circumstantias etiam prognosis non omni expuncto fausta est, quintamen desint exempla asphycticos hujus ordinis jam fuisse resuscitados. Tanto major autem est vitae restituendae spes, quo citius illis auxilium fertur, aut quo mollior, latior vel crassior fuerat laqueus aut fascia, qua pendeat asphycticus; e contrario autem tristissima prognosis

si asphyxia cum luxatione aut fractura unius alteriusve colli vertebrae fuerit complicata.

Primum quod suspensio fertur auxilium est stranguli resectio et ejusdem a collo solutio. Haec autem operatio non absque omni cautela et ita instituenda, ut unus auxiliator asphycticum pendentem teneat et *alter* strangulum dissecat; aut altero deficiente unus idemque uno brachio corpus teneat; altera manu vero stranguli suscipiat dissectionem ne alias praematura et incauta solutio stranguli et sequente ex altitudine corporis lapsu novae addantur statui deplorabili laesiones, aut per gravem commotionem corpori additam omnis evanescat resuscitationis possibilitas.

Solutio itaque in suspensis debito modo laqueo ac in strangulatis, etiam reliqua vincula arctiora, collaria, thoraces, lora, tibiae etc. solvenda sunt et asphycticus lecticae capite elevato impositus, ad locum pro resuscitationis periculis instituendis aptum comportatur. Ad restituendam vero vitae integritatem aer atmosphaericus purus, frigidiusculus maxime confert; quare resuscitationis pericula anni tempore et coelo sereno adnuante, potius in aere libero aut saltem in cubili amplo aere puro repleto trunco et capite, elevatis, imponitur et stragulis levioribus obtegitur. Ubi corpus tangitur nimis frigidum rigidumque caloris justae necessaria fit communicatio; quo scopo lagenae aqua calida repletae, lateres calefacti et panno flannellino obducti intra femora, crura, in regione subaxillari locantur, aut plantis pedum adcommo-
data in subsidium vocantur.

Quo magis asphyxiae eminent symptomata et citius et eo largiori manu instituenda est sanguinis evacuatio venae brachialis aut cum multo majori utilitate jugularis externae sectione.

Intumescitiae colli ut plurimum praesenti cataplasmata emollientia, aut pannus crassior oleo pinqui calido imbutus imponatur; et scopo derivante enemata irritantia et evacuantia, pediluvia aut cataplasmata emollientia pedibus adcommo-
data in subsidium vocantur.

Ad incitandam respirationem et sanguinis motum, compressio cartilaginum laryngis aut tracheae, si quae defuerit, digitorum ope tolli, tandem aeris atmosphaerici inflatio per os atque nares et cum hac vicissim compressio regionis inferiorum costarum et abdominis manuum ope, ut aer iterum e pulmonibus expellatur tentari debet. Adminiculis his insufficientibus facies et scrobiculum cordis aqua frigida adsparguntur; acetum frustula cepae, allii, armoracia, aut spiritus cornu cervi vel ammonia pura liquida naribus admoveatur, et si aeger deglutire valet, eidem infusa aromatica calida me-

melissae chamomillae cum pauxillo aceti aut vini vetusti et praesentibus congestionibus ad caput aqua frigida aceti pauxillum continens instillantur.

Non raro in asphycticis hujus generis jam sibi consciis mucus in trachea accumulat^{us} respirationis sistit impedimentum, hic ob apoplexiae metum nec errhinis nec emeticis prompte evacuari potest, verum porrectis bechicis, oxymelle simplici antimonii grauis aliquot pededentim nonnisi educi potest.

Capite non plenariae adhuc libero et vertigine, temulentia ac soporosit^{ate} adhuc residuis aëris aegrum circumdantis frigiditas, fomenta frigida ad caput, venae sectiones iteratae, potus reficiens accidulus largus, enemata derivantia et reliqua ad adparatum antiphlogisticum spectant remedia, pro sui indicatione omne quod necessarium est, praestant auxilium.

Si quae adest in collo a laqueo contusio aut sugilatio in gangraenam transitum minans fomenta ex decocto florum chamomillae in aceto cum pauxillo salis ammoniaci, aut his deficientibus ex atramento, aut solutione salis culinaris saturata aut ex aceto et spiritu vini eidem opponere consuevimus.

Novas suspensionis aut strangulationis recidivas, quum his plerumque autochiria subest, praecavere ad psychici tractaminis forum pertinet. Omnibus autem auxiliis absque ullo effectu adhibit^{is} asphyctiens, modo pluries jam memorato ad universalis putredinis signa usque servatur tandem quod ipse plerumque optavit, committitur sepulchro.

10. *Asphyxia per plethoram universalem aut topicam* praecipinis cordis. In hoc casu situs corporis semierectus, temperatura frigidiuscula vestimentorum et vinculorum arctorum solutio, faciei, scrobiculi cordis, pectorisque aqua frigida adspersio, aceti ad nares admotio, ejus temporibus et fronti inunctio, enemata aperientia et derivantia et ipsa sanguinis e vena secta detractio omne absolunt tractamen, Nec semper remedia evacuantia antiphlogistica interne adhibita superflua sunt.

11. *Animi deliquia aut asphyxia ex vitiis organicis* praecipinis cordis et vasorum majorum. Curam hic solum palliativam esse posse nemo dubitabit. Correspondens autem huic statui summa corporis et animi quies, aegrum omni ex parte antiphlogisticum, excretionum normalium per omnia collatoria promotio, remedia refrigerantia et derivantia parvae et reiteratae venae sectiones.

12. *Asphyxia neonatorum*. Haec asphyxiae species omnium est frequentissima. Si autem perpendimus quantam metamorphosim subeat organismus humanus sub ipso partu, si perpendimus irritabilitatem nunc ac sensibilitatem hucusque penitus latentem uno quasi ietu excitari; loco caloris materni amoeni quo hucusque fovebatur foetus, nunc aëre atmosphae-

rico frigido, stimulo igitur consveto circumdari neonatum: mechanismum respirationis tam complicatum nunc exordiri, et sanguinem neglecta via pristina per foramen ovale et canalem Botalli, iter novum ac inconsuetum per pulmones necdum tentatos subire debere, si his omnibus adhuc addimus et illas, quibus ipse partus premitur difficultates, mirum certe non erit, obstaculum saepe nimium uni alterive functioni sese offerens jam sufficere, functiones has vitales et cum illis ipsam vitam ad eum usque gradum imminuere, quo ipsius asphyxiae imaginem nobis refert.

Omnis asphyxia neonatorum vel debilitati verae et justo virium vitalium defectui; vel debilitati spuriae et soli virium suppressioni sive apoplexia sive suffocatione inducta suam debet originem cuius rita cognitio tanto magis necessaria evadit, quum pro ipsius causae proximae diversitate etiam adminicula ad resuscitandam vitam facientia, sunt diversa.

a) Asphyxia neonatorum per virium exhaustionem.

In casibus ubi mater tenrioris compagis durante gravitate brevi ante partum morbos graves, febres adynamicas, aut affectiones nervosas, convulsiones, haemorrhagias, diarrhoeas, animi pathemata, curam, anxietatem, sollicitudinem passa; aut si partus ipse fuerit praematurus placenta citius quam par est, soluta, aut funiculus umbilicalis prolapsus sive laceratus, aut neonatus ex corpore matris defunctae ope sectionis caesariae demtus, hujus asphyxiae species occurrere consueverunt. Facies et corpus reliquum pallidum et collapsum, labia, livida, maxilla inferior pendula, summa partium mollium flacciditas, et meconii praesentia hanc asphyxiam a reliquis distinguunt, quam ex illa funiculi umbilicalis pressione oriri credit Girtaner (*Kinderkrankheiten*) qua fluxus sanguinis a foetu ad placentam quidem conceditur, ejus tamen a placenta refluxus intercipitur.

Qui resuscitationem talis neonati suscipit medicus, praecipuis attendat, ne descissio funiculi umbilicalis justo citius instituat et infantis cum matre nexus praemature tollatur, verum ad ipsam placentae solutionem usque sustentatur, quo majori sanguinis adfluxui et pulmonum viribus evolvendis conceditur tempus. Infans ipse autem linteis obvolvitur siccis et calidis et constante adhuc nexu cum placenta in thorace, abdomine, dorso, manibus et plantis pedum panno flauellino spiritu vini, vino aqua melissae etc. calidis imbuto fricatur.

Adplicantur insuper naribus odora varia, allium aut cepa dissecta, spiritus cornu cervi etc. quae labiis etiam et temporibus illiniuntur. His autem omnibus frustra tentatis funiculus umbilicalis ligatus dissecatur, ut reliqua pericula institui possint. Adspargitur nunc primum facies, pectus

scrobiculum cordis, dorsum aqua frigida vi perpulsa, quae linteis calidis iterum abstergitur, injiciuntur enemata stimulantia ex infuso florum chamomillae vulgaris aut herbae melissae parata; applicatur balneum tepidum ex vino et aqua partes aequales, aut tribus partibus aquae et una cremati, aut ex hoc et infuso aliquo aromatico constans, tandem ipsa aeris inflatio reiteratis vicibus et mutatio reliquis adminiculis tentatur, cum ea tamen cautela, ne pulmones tenui infantiles tumultaria] inflatione laedantur, quare in hoc casu inflatio per os prae illa folle instituta principiaum meretur.

In casibus, ubi asphyxia per pressionem funiculi umbilicalis producitnr, nexum cum placenta ipsa soluta adhuc sustentare et eandem mixtione ex vino rubro et spiritu vini imponere svadent, quo remedio non raro in casibus desperatis vita fuerat resuscitata.

Infans tali modo vivificatus et stragulis calidis involutus, in cubile deportatur, amplum, et instillantur eidem per vices parvae quantitates (cochlear coffiaceum;) aquae cinamomi aut guttulae aliquot liquoris min: Hoffmanni aqua communi susceptae, aut reficitur calore et lacte sinus materni.

Conaminibus tamen frustra adhibiti, neonatus linteis calidis, excepto capite involutus ad intrantem putredinem usque strictae in cubili calefacto subjicitur observationi.

b) Asphyxia neonatorum per virium suppressionem.

a) Asphyxia neonatorum per apoplexiam. Ubi mater sana post normalem graviditatis decursum, foetnm in lucem prodidit bene nutritum, partu tamen difficili protracto et manu obstetricia aut instrumentis ad finem producto, si funiculus umbilicalis prolapsus, aut collo infantis circumflexus comprimebatur ita, ut sanguinis fluxus ad placentam cohibeatur, hujus asphyxiae exempla occurrere solent. Corpus neonati robustum et bene nutritum, cutis externa tensa, rubra et nimis calida, cum maculis lividis hinc inde obita, facies rubra aut caerulescens turgida ei pulsatio eorum non raro manifesta phaenomena sunt, quibus hic status cognoscitur.

Sanguinis missio quam citissime suscepta inter omnia adminicula vivificationem mollientia supremum in tali casu occupat locum. Haec autem in neonato fit funiculum umbilicalem quam citissime reseindendo et ex sesiduo unum aut pro necessitate duo cochliaria cibaria sanguinis emittendo; haec vero evacuatio funiculum in distantia ad quatuor pollices ab umbilico ligando, ut si necessaria foret et ultra sanguinis evacuatio haec reiterari possit. Si vero sanguis effluere non vult, funiculi ligatio suspenditur, ut sub reliquorum incitamentorum usu, sanguinis effluxus impetratur,

continuo tamen inspiciendo, ne illo impetrato laethalis per funiculum apertum causetur haemorrhagia.

Praeter hanc sanguinis evacuationem adpersio pectoris, scrobiculi cordis, dorsi aqua frigida; frontis, temporum narium et labiorum aceto vini frigido illinito, balnei tepidi aquosi aut lactei adplicatis; enemata emollientia ex lacte, decorato etc. furfurum, aut herbae althaeae super addito pauxillo olei pinquis paratae, tamquam adminicula adjuvantia omnis indicationis adimplendae absolunt numerum.

Incitamenta validiora cujuscumque generis; stimuli fortiores penetrantes, odoramenta, balnea vinosa aut spirituosae, frictiones spirituosae, nimia ventriculi lacte materno aut pulste porrecto oppletio, et omnia reliqua, quibus sanguis ad encephalon motus promovetur ni apoplexiae mortem inducere velimus suspendenda erunt. Omnia vero quae adhibentur nec nimis tumultuariae nec cunctando in usum trahi debent, sed inter stitiis parvis interpositis sedulo reiterata optimum exerunt effectum.

Qui resuscitari non potest infans neonatus ex apoplexia secundum regulas jam adatas observari et tractari debet.

6. *Asphyxia neonatorum per suffocationem.* Foetus qui membranis suis inclusus et liquore amnii circumdatus nascitur inque his per aliquot tempus adstantium negligentiae relinquitur; aut neonatum, cujus cavum oris, larynx naresque mucosae obduratae spisso, et tenui et lingua eodem palato agglutinata invenitur, aut qui asphycticus ad sinum matris reperitur, per suffocationem in hunc adductum esse statim cum certitudine assummere possumus, sive rubrae sive pallidae prospiciat, sive bene nutritus sit sive emaciatus.


Tractamen hujus modi infantum remotione causae respirationem intercipientis orditur, — quare foetus statim ex membranis, in quibus nascitur, extrahendus: os fauces digito oleo munito, nares autem linteo involuto a mucosae purgandae; — infans sinu materno negligente oblitus, ni ita compressus fuerit, ut sanguis ore et naribus promaneat eidem detrahendus, aëri libero exponendus et suffocatorum in modum tractandus.

Neonato per suffocationem asphyctico linteis obvoluto calidis siccis, aer inflatur modo, organisationi hujus parvuli respondente, cui inflationi per vices interponuntur thoracis leves compressiones ut respirationis integra functio modo artificiali immitetur; quod opus frictionibus in pectore, dorso cordis scrobiculo, in manuum volis et plantis pedum, aut viva et calida manu aut panno flanellico tenui calefacto susceptis multum suffulcitur. His non sufficientibus adpersiones pectoris, dorso et scrobiculi cordis aqua frigida siphonis ope projecta: cucurbitarum ad mammae sinistrae papillam, odo-

ramientorum fortiorum applicatio, linguae et labiorum iisdem illinitio, palati et faucium titillatio ope pennae oleo immersae in subsidium vocantur. — Sequuntur insuper elismatum irritantium et balneorum tepidorum, praesente autem vera debilitate — in addito vino, cremato, infuso aromatico, — stimulantium usus. Haec adminicula omnia vicissim cum aëris inspiratione per aliquot sedulo continuatur horas, et si respiratio excitata, ob mucum profunde in faucibus, tarynge aut trachea haerentem aegre, et interruptae non nisi procedit, emeticum ex grano uno tartari emetici in aquae destillatae unciiis tribus aut quator soluti paratum, et omni semichorio cochliari parvo ad insecuctum usque reiteratum vomitum exhibitum omnem absolvit curam.

Resuscitatione feliciter impetrata parvulus benigno sinu materni committitur calori, ut illo excitetur magis et atmosphaera matris roboretur.

Quid in casu contrario cum infante agendum, pluries jam dictum fuit, hic solum memorasse adhuc sufficit, infantem *sectione* caesarea e corpore materno in lucem protractum in modum neonatorum suffocatorum; — fame aut siti confectum in modum asphycticorum ex vera debilitate; — submersum autem et congelatum in modum adultorum ex iisdem causis asphycticorum cum continuo respectu ad organisationis discrimen tractari debere.



Theses defendendae.

1.

In Animi deliquio, et Morte adparente circultus sanguinis non interruptur.

2.

Medicum non sectae uni veluti fallibili addictum, sed eclecticum esse oportet.

3.

Plus saepe Medicus nihil, quam multum agendo juvat.

4.

Cum crescente hominum cultura, increscit umerus morborum.

5.

Individa labe haereditaria notata a matrimonio lege arceantur.

6.

Homoeopathia est Poesis Medicinae.

7.

Pauca dantur remedia bona medica-mentosa multa.

8.

Non ars sed natura sanat morbum; hinc

9.

Medicum naturae ministrum, non magistrum esse oportet.

10.

Medicinam invenit necessitas, suggestit casus, notavit experientia probavit ratio, hinc

11.

In medicina fortuna non datur.

